

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं ॥

कृष्ण यजुर्वेदीय तैत्तिरीय संहिता

पद पाठः (वाक्य सहित)

द्वितीयकाण्डे द्वितीयः प्रश्नः

**Notes:**

- Please refer to the book “TS Kanda 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).

---

## **Contents**

**2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं.....3**

**2.2 द्वितीयकाण्डे द्वितीयः प्रश्नः – इष्टिविधानं .....3**

पद पाठे (वाक्य सहित) – द्वितीयकाण्डे – द्वितीयः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

## 2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं

### 2.2 द्वितीयकाण्डे द्वितीयः प्रश्नः – इष्टिविधानं

#### 2.2.1.1

प्रजापतिः प्रजा असृजत ताः सृष्टा इन्द्राग्नी अपागूहताꣳ सोऽचायत्  
प्रजापतिरिन्द्राग्नी वै मे प्रजा अपाघुक्षतामिति स एतमैन्द्राग्न-  
मेकादशकपाल-मपश्यत् तं निरवपत् तावस्मै प्रजाः प्रासाधयता-  
मिन्द्राग्नी वा एतस्य प्रजामप गूहतो योऽलं प्रजायै सन् प्रजां न  
विन्दते ऐन्द्राग्न-मेकादशकपालं निर्वपेत्-प्रजाकाम इन्द्राग्नी-[] 1

#### 2.2.1.1- Padam

प्रजापतिरिति प्रजा-पतिः । प्रजा इति प्र - जाः । असृजत । ताः ।  
सृष्टाः । इन्द्राग्नी इतीन्द्र - अग्नी । अपेति । अगूहताम् । सः ।  
अचायत् । प्रजापतिरिति प्रजा - पतिः । इन्द्राग्नी इतीन्द्र-अग्नी ।  
वै । मे । प्रजा इति प्र - जाः । अपेति । अघुक्षताम् । इति । सः ।

ए॒तम् । ऐ॒न्द्रा॒ग्न॒मित्यै॑न्द्र – अ॒ग्नम् ।

एका॑द॒शक॒पाल॒मित्यै॑काद॒श – क॒पालम् । अ॒पश्य॑त् । तम् । नि॒रिति॑ ।

अ॒वप॑त् । तौ । अ॒स्मै । प्र॒जा इति॑ प्र-जाः । प्रेति॑ । अ॒सा॒धय॑ताम् ।

इ॒न्द्रा॒ग्नी इती॑न्द्र – अ॒ग्नी । वै । ए॒तस्य॑ । प्र॒जामि॑ति प्र – जा॒म् ।

अपे॑ति । गू॒ह॒तः । यः । अ॒लम् । प्र॒जाया इति॑ प्र – जा॒यै । स॒न् ।

प्र॒जामि॑ति प्र – जा॒म् । न । वि॒न्दते॑ । ऐ॒न्द्रा॒ग्न॒मित्यै॑न्द्र – अ॒ग्नम् ।

एका॑द॒शक॒पाल॒मित्यै॑काद॒श – क॒पालम् । नि॒रिति॑ । व॒पेत् ।

प्र॒जाका॑म इति॑ प्र॒जा – का॒मः । इ॒न्द्रा॒ग्नी इती॑न्द्र – अ॒ग्नी । 1 (50)

### **2.2.1.2**

ए॒व स्वे॑न भा॒गधे॑ये॒नोप॑ धावति तावे॒वास्मै॑ प्र॒जां प्र सा॑धयतो वि॒न्दते॑

प्र॒जा-मै॑न्द्रा॒ग्न-मे॑काद॒शक॒पालं॑ निर्व॒पेथ् स्प॑र्ध॒मानः॑ क्षे॒त्रे वा

स॒जाते॑षु वे॒न्द्रा॒ग्नी ए॒व स्वे॑न भा॒गधे॑ये॒नोप॑ धावति ताभ्या॑मेवे॒न्द्रियं॑

वी॒र्यं॑ भ्रातृ॒व्यस्य॑ वृ॒द्धे वि पा॑प्म॒ना भ्रातृ॒व्येण॑ ज॒यते॑ऽप वा

ए॒तस्मा॑दिन्द्रि॒यं वी॒र्यं॑ क्रा॒मति॑ यः सं॒ग्राम॑-मु॒प॒प्र॒या॒त्यैन्द्रा॑ग्न-  
मे॒काद॑शक॒पालं॑ नि - [ ] 2

**2.2.1.2 - Padam**

ए॒व । स्वे॑न । भा॒ग॒धे॒ये॒नेति॑ भा॒ग - धे॒ये॒न । उ॒पेति॑ । धा॒वति॑ । तौ ।  
ए॒व । अ॒स्मै । प्र॒जा॒मिति॑ प्र - जा॒म् । प्रेति॑ । सा॒ध॒य॒तः । वि॒न्दते॑ ।  
प्र॒जा॒मिति॑ प्र - जा॒म् । ऐन्द्रा॑ग्नमि॒त्यैन्द्र॑ - अ॒ग्नम् ।  
ए॒काद॑शक॒पालमि॒त्यैका॑दश - क॒पालम् । नि॒रिति॑ । व॒पेत् ।  
स्पर्ध॑मानः । क्षे॒त्रे । वा । स॒जा॒तेष्विति॑ स - जा॒तेषु॑ । वा ।  
इन्द्रा॑ग्नी इ॒तीन्द्र॑ - अ॒ग्नी । ए॒व । स्वे॑न । भा॒ग॒धे॒ये॒नेति॑  
भा॒ग-धे॒ये॒न । उ॒पेति॑ । धा॒वति॑ । ता॒भ्याम् । ए॒व । इन्द्रि॒यम् । वी॒र्यम्॑ ।  
भ्रातृ॑व्यस्य । वृ॒द्धे । वी॒ति । पा॒प्म॒ना । भ्रातृ॑व्येण । ज॒यते॑ । अ॒पेति॑ ।  
वै । ए॒तस्मा॑त् । इन्द्रि॒यम् । वी॒र्यम्॑ । क्रा॒मति॑ । यः ।  
सं॒ग्राम॑मिति॑ सं - ग्रा॒मम् । उ॒प॒प्र॒या॒तीत्यु॑प - प्र॒याति॑ ।

ऐ॒न्द्रा॒ग्न॒मित्यै॑न्द्र॒-अ॒ग्न॒म् । ए॒का॒द॒श॒क॒पा॒ल॒मित्ये॑का॒द॒श॒ - क॒पा॒ल॒म् ।

निरिति । 2 (50)

### 2.2.1.3

-व॒पे॒त् स॒ंग्रा॒म॒-मु॒प॒प्र॒या॒स्य॒न्नि॒न्द्रा॒ग्नी॒ ए॒व स्वे॑न॒ भा॒ग॒धे॒ये॒नो॒प॒ धा॒व॒ति॒  
ता॒वे॒वा॒स्मि॒न्नि॒न्द्रि॒यं वी॒र्ये॑ ध॒त्तः स॒हे॒न्द्रि॒ये॒ण वी॒र्ये॑णो॒प प्र॒ या॒ति॒  
ज॒य॒ति त॒ सं॒ग्रा॒मं वि॒ वा ए॒ष इ॒न्द्रि॒ये॒ण वी॒र्ये॑ण॒र्ध्य॒ते यः स॒ंग्रा॒मं  
ज॒य॒त्यै॒न्द्रा॒ग्न॒-मे॒का॒द॒श॒क॒पा॒लं नि॒र्व॒पे॒त् स॒ंग्रा॒मं जि॒त्वे॒न्द्रा॒ग्नी॒ ए॒व  
स्वे॑न॒ भा॒ग॒धे॒ये॒नो॒प॒ धा॒व॒ति॒ ता॒वे॒वा॒स्मि॒न्नि॒न्द्रि॒यं वी॒र्यं॑ - [ ] 3

### 2.2.1.3 - Padam

व॒पे॒त् । स॒ंग्रा॒म॒मि॒ति सं॒ - ग्रा॒म॒म् । उ॒प॒प्र॒या॒स्य॒न्नि॒त्यु॒प॒ - प्र॒या॒स्य॒न् ।  
इ॒न्द्रा॒ग्नी॒ इ॒ती॒न्द्र॒ - अ॒ग्नी॒ । ए॒व । स्वे॑न॒ । भा॒ग॒धे॒ये॒ने॒ति॒  
भा॒ग॒ - धे॒ये॒न॒ । उ॒पे॒ति॒ । धा॒व॒ति॒ । तौ॒ । ए॒व । अ॒स्मि॒न् । इ॒न्द्रि॒य॒म् ।  
वी॒र्ये॑म् । ध॒त्तः॒ । स॒ह॒ । इ॒न्द्रि॒ये॒ण॒ । वी॒र्ये॑ण॒ । उ॒प॒ । प्रे॒ति॒ । या॒ति॒ ।  
ज॒य॒ति॒ । तम्॒ । स॒ंग्रा॒म॒मि॒ति सं॒ - ग्रा॒म॒म् । वी॒ति॒ । वै॒ । ए॒षः॒ ।  
इ॒न्द्रि॒ये॒ण॒ । वी॒र्ये॑ण॒ । ऋ॒ध्य॒ते॒ । यः॒ । स॒ंग्रा॒म॒मि॒ति सं॒ - ग्रा॒म॒म् ।

ज॒यति॑ । ऐ॒न्द्रा॒ग्नमि॒त्यैन्द्र॑ – अ॒ग्नम् ।

एका॑दशक॒पालमि॒त्यैका॑दश – क॒पालम् । निरि॑ति । व॒पेत् ।

स॒ग्रा॒ममि॑ति सं – ग्रा॒मम् । जि॒त्वा । इन्द्रा॑ग्नी इतीन्द्र॑ – अ॒ग्नी ।

ए॒व । स्वे॑न । भा॒गधे॑येनेति भा॒ग – धे॑येन । उ॒पेति॑ । धा॒वति॑ । तौ ।

ए॒व । अ॒स्मिन् । इन्द्रि॑यम् । वी॒र्यम्॑ । 3 (50)

#### 2.2.1.4

ध॒त्तो नेन्द्रि॑येण वी॒र्येण॑ व्य॒ध्यते॑ऽप वा ए॒तस्मा॑दिन्द्रि॒यं वी॒र्यं॑ क्रा॒मति॑  
य ए॒ति ज॒नता॑मैन्द्रा॒ग्न-मे॒कादश॑क॒पालं॑ निर्व॑पे-ज॒नता॑मेष्यन्निन्द्रा॒ग्नी  
ए॒व स्वे॑न भा॒गधे॑येनो॒प धा॒वति॑ तावे॒वास्मि॑न्निन्द्रि॒यं वी॒र्यं॑ ध॒त्तः  
सहेन्द्रि॑येण वी॒र्येण॑ ज॒नता॑मेति पौ॒ष्णं च॒रुम॑नु निर्व॑पेत् पू॒षा वा  
इन्द्रि॑यस्य वी॒र्यस्या॑नुप्र॒दाता॑ पू॒षण॑मे॒व – [ ] 4

#### 2.2.1.4 - Padam

ध॒त्तः । न । इन्द्रि॑येण । वी॒र्येण॑ । वी॒ति । ऋ॒ध्यते॑ । अ॒पेति॑ । वै ।

ए॒तस्मा॑त् । इन्द्रि॑यम् । वी॒र्यम्॑ । क्रा॒मति॑ । यः । ए॒ति । ज॒नता॑म् ।

ऐ॒न्द्रा॒ग्नमि॒त्यैन्द्र॑ – अ॒ग्नम् । ए॒कादश॑क॒पालमि॒त्यैका॑दश-क॒पालम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

निरि॑ति । व॒पेत् । ज॒नता॑म् । ए॒ष्यन् । इन्द्रा॑ग्नी इतीन्द्र॑-अग्नी॑ । ए॒व ।  
स्वेन॑ । भा॒गधे॑येनेति॑ भा॒ग - धे॑येन । उ॒पेति॑ । धा॒वति॑ । तौ । ए॒व ।  
अ॒स्मिन् । इन्द्रि॑यम् । वी॒र्यम् । ध॒त्तः । स॒ह । इन्द्रि॑येण । वी॒र्येण॑ ।  
ज॒नता॑म् । ए॒ति । पौ॒ष्णम् । च॒रुम् । अ॒नु । निरि॑ति । व॒पेत् । पू॒षा ।  
वै । इन्द्रि॑यस्य । वी॒र्यस्य॑ । अ॒नुप्र॑दातेत्यनु॑ - प्र॒दाता॑ ।

पू॒षणम् । ए॒व । 4 (50)

**2.2.1.5**

स्वेन॑ भा॒गधे॑येनोप॑ धा॒वति॑ स ए॒वास्मा॑ इन्द्रि॑यं वी॒र्यम॑नु प्र॒यच्छ॑ति  
क्षै॒त्रप॑त्यं च॒रुं निर्व॑पे-ज॒नता॑मा॒गत्ये॑यं वै क्षे॒त्रस्य॑ पति॑रस्यामे॒व प्रति॑  
तिष्ठ॑त्यैन्द्रा॒ग्न-मे॑कादशक॒पाल-मु॒परि॑ष्टा-निर्व॑पेदस्यामे॒व  
प्रति॑ष्ठायेन्द्रि॑यं वी॒र्यमु॒परि॑ष्टा-दा॒त्मन् ध॑त्ते । 5

**2.2.1.5 - Padam**

स्वेन॑ । भा॒गधे॑येनेति॑ भा॒ग - धे॑येन । उ॒पेति॑ । धा॒वति॑ । सः ।  
ए॒व । अ॒स्मै । इन्द्रि॑यम् । वी॒र्यम् । अ॒नु । प्रे॑ति । य॒च्छति॑ ।  
क्षै॒त्रप॑त्यमिति॑ क्षै॒त्र - प॑त्यम् । च॒रुम् । निरि॑ति । व॒पेत् ।



पद पाठे (वाक्य सहित) – द्वितीयकाण्डे – द्वितीयः प्रश्नः

जन॑ताम् । आ॒ग॒त्येत्या॑ – ग॒त्य । इ॒यम् । वै । क्षे॑त्रस्य । प॒तिः ।  
अ॒स्याम् । ए॒व । प्र॒तीति॑ । ति॒ष्ठति॑ । ऐ॒न्द्रा॒ग्नमि॒त्यैन्द्र॑ – अ॒ग्नम् ।  
एका॑दशकपालमि॒त्यैका॑दश-कपालम् । उप॒रि॒ष्ठात् । नि॒रिति॑ । व॒पेत् ।  
अ॒स्याम् । ए॒व । प्र॒तिष्ठा॑येति॒ प्रति॑ – स्था॒य । इ॒न्द्रि॒यम् । वी॒र्यम्॑ ।  
उप॒रि॒ष्ठात् । आ॒त्मन् । ध॒त्ते । 5 (39)

(प्र॒जाका॑म इन्द्रा॒ग्नी – उप॒प्र॒यात्यैन्द्रा॑ग्नमे॒का॑दशकपालं नि- वी॒र्यं –  
पू॒षण॑मे॒ वै – का॒न्नच॑त्वारि॒ंश॑च्य ) (A1)

2.2.2.1

अ॒ग्नये॑ पथि॒कृते॑ पु॒रोडा॑श-म॒ष्टाक॑पालं निर्व॒पेद्यो॑ दर्॒शपूर्ण॑मासयाजी  
स॒न्नमा॑वास्यां वा पौ॒र्णमा॑सीं वा॒ऽति॑पादयेत् प॒थो वा ए॒षोध्य॑प॒थेनैति॑  
यो दर्॒शपूर्ण॑मासयाजी स॒न्नमा॑वास्यां वा पौ॒र्णमा॑सीं  
वा॒तिपा॑दयत्य॒ग्निमे॒व पथि॑कृतं स्वे॒न भा॒गधे॑येनोप॒ धाव॑ति स  
ए॒वैन॑मप॒थात् प॒न्थाम॑पि नयत्यन॒ड्वान् दक्षि॑णा व॒ही ह्ये॒ष स॒मृद्ध्य॑  
अ॒ग्नये॑ व्र॒तप॑तये – [ ] 6

**2.2.2.1 - Padam**

अ॒ग्नये॑ । प॒थि॒कृत॑ इति॑ पथि॑ – कृ॒ते॑ । पु॒रो॒डाश॑म् ।  
अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ । व॒पेत् । यः ।  
दर्॒श॒पूर्ण॑मा॒सया॑जीति॑ दर्॒श॒पूर्ण॑मा॒स – या॒जी । सन् ।  
अ॒मावा॑स्यामि॒त्यमा॑ – वा॒स्याम् । वा । पौ॒र्णमा॑सीमि॒ति  
पौ॒र्ण – मा॒सीम् । वा । अ॒तिपा॑दये॒दित्य॑ति – पा॒दये॑त् । पथः॑ । वै ।  
ए॒षः । अ॒धीति॑ । अ॒पथे॑न । ए॒ति । यः । दर्॒श॒पूर्ण॑मा॒सया॑जीति॑  
दर्॒श॒पूर्ण॑मा॒स – या॒जी । सन् । अ॒मावा॑स्यामि॒त्यमा॑ – वा॒स्याम् ।  
वा । पौ॒र्णमा॑सीमि॒ति पौ॒र्ण – मा॒सीम् । वा । अ॒तिपा॑दयतीत्य॑ति –  
पा॒दय॑ति । अ॒ग्निम् । ए॒व । प॒थि॒कृत॑मि॒ति पथि॑ – कृ॒तम् । स्वे॑न ।  
भा॒गधे॑ये॒नेति॑ भा॒ग – धे॑ये॒न । उ॒पेति॑ । धा॒वति॑ । सः । ए॒व । ए॒नम् ।  
अ॒पथा॑त् । प॒न्था॑म् । अ॒पीति॑ । न॒यति॑ । अ॒नङ्वा॑न् । दक्षि॑णा । व॒ही ।  
हि । ए॒षः । स॒मृद्ध्य॑ इति॑ सं – ऋ॒द्ध्यै॑ । अ॒ग्नये॑ ।  
व्र॒तप॑तय॒ इति॑ व्र॒त-प॑तये॒ । 6 (50)

**2.2.2.2**

पुरो॑डाश॑म॒ष्टाक॑पालं॒ निर्व॑पेद्य॒ आहि॑ताग्निः॒ सन्न॑व्रत्यमिव॒ चरे॑दग्निमेव॒  
व्रत॑पति॒ऽस्वेन॑ भाग॒धेये॑नोप॒ धाव॑ति स ए॒वैनं॑ व्रत॒मा लं॑भयति॒ व्रत्यो॑  
भव॑त्यग्नये॒ रक्षो॑घ्ने॒ पुरो॑डाश॑म॒ष्टाक॑पालं॒ निर्व॑पेद्य॒ रक्षा॑सि  
सचे॑रन्नग्निमेव॒ रक्षो॑हण॒ऽस्वेन॑ भाग॒धेये॑नोप॒ धाव॑ति स  
एवा॑स्माद्-रक्षा॒स्यप॑ हन्ति॒ निशि॑तायां॒ निर्व॑पे - [ ] 7

**2.2.2.2 - Padam**

पुरो॑डाशम् । अ॒ष्टाक॑पाल॒मित्य॑ष्टा - क॒पालम् । निरि॑ति । व॒पेत् ।  
यः । आहि॑ताग्नि॒रित्या॑हित-अग्निः । सन्न॑ । अ॒व्रत्य॑म् । इ॒व । चरे॑त् ।  
अग्नि॑म् । ए॒व । व्रत॑पति॒मिति॑ व्रत - पति॑म् । स्वे॒न ।  
भा॒ग॒धेये॑नेति॒ भाग॑ - धेये॑न । उ॒पेति॑ । धा॒वति॑ । सः । ए॒व ।  
ए॒नम् । व्रत॑म् । ए॒ति । लं॑भयति । व्रत्यः॑ । भव॑ति । अ॒ग्नये॑ ।  
रक्षो॑घ्न इति॒ रक्षः॑ - घ्ने । पुरो॑डाशम् ।  
अ॒ष्टाक॑पाल॒मित्य॑ष्टा - क॒पालम् । निरि॑ति । व॒पेत् । यम् । रक्षा॑सि ।  
सचे॑रन् । अग्नि॑म् । ए॒व । रक्षो॑हण॒मिति॑ रक्षः - ह॒नम् । स्वे॒न ।

पद पाठे (वाक्य सहित) – द्वितीयकाण्डे – द्वितीयः प्रश्नः

भाग॑धे॒येने॑ति भा॒ग-धे॒येन॑ । उ॒पेति॑ । धा॒वति॑ । सः । ए॒व । अ॒स्मात् ।  
रक्षा॑ञ्॒सि । अ॒पेति॑ । ह॒न्ति । नि॒शि॒ता॒या॒मिति॑ नि - शि॒ता॒या॒म् ।  
नि॒रिति॑ । व॒पेत् । 7 (50)

**2.2.2.3**

-नि॒शि॒ता॒या॒ञ् हि रक्षा॑ञ्॒सि प्रे॒रते॑ संप्रे॒र्णान्ये॑वैनानि॑ ह॒न्ति  
परि॑श्रिते याजयेद्-रक्ष॑सा-मन॑न्वव॒चारा॑य रक्षो॑घ्नी या॒ज्यानु॑वाक्ये  
भव॑तो रक्ष॑साञ् स्तृ॒त्या अ॒ग्नये॑ रु॒द्रव॑ते पु॒रोडा॑शम॒ष्टाक॑पालं  
निर्व॑पेदभि॒चर॑न्नेषा वा अ॒स्य घो॑रा तनू॒र्यद्-रु॒द्रस्त॑स्मा ए॒वैन॑मा  
वृ॒श्चति॑ ताज॒गार्ति॑-मा॒र्च्छत्य॑ग्नये॒ सुर॑भि॒मते॑ पु॒रोडा॑शम॒ष्टाक॑पालं  
निर्व॑पेद्यस्य गा॒वो वा पु॑रु॒षा - [ ] 8

**2.2.2.3 - Padam**

नि॒शि॒ता॒या॒मिति॑ नि - शि॒ता॒या॒म् । हि । रक्षा॑ञ्॒सि । प्रे॒रत॑ इति  
प्र - ई॒रते॑ । संप्रे॒र्णानी॑ति सं - प्रे॒र्णानि॑ । ए॒व । ए॒नानि॑ ।  
ह॒न्ति । परि॑श्रित इति परि - श्रि॒ते । या॒जये॑त् । रक्ष॑साम् ।  
अ॒नन्व॑व॒चारा॑येत्यननु - अ॒वचा॑राय । रक्षो॑घ्नी इति रक्षः - घ्नी ।

या॒ज्यानु॒वाक्ये॑ इति या॒ज्या – अनु॒वाक्ये॑ । भवतः । रक्ष॑साम् ।  
 स्तृ॒त्यै॑ । अ॒ग्नये॑ । रु॒द्रव॑त इति रु॒द्र – व॑ते । पु॒रोडा॑शम् ।  
 अ॒ष्टाक॑पाल॒मित्य॑ष्टा – क॒पालम् । निरि॑ति । व॒पेत् ।  
 अ॒भिच॑रन्नित्य॒भि – च॑रन् । ए॒षा । वै । अ॒स्य । घो॒रा । त॒नूः ।  
 यत् । रु॒द्रः । तस्मै॑ । ए॒व । ए॒नम् । ए॒ति । वृ॒श्च॒ति । ता॒जक् ।  
 आ॒र्तिम् । ए॒ति । ऋ॒च्छ॒ति । अ॒ग्नये॑ । सु॒रभि॑मत इति सु॒रभि – म॒ते॑ ।  
 पु॒रोडा॑शम् । अ॒ष्टाक॑पाल॒मित्य॑ष्टा – क॒पालम् । निरि॑ति । व॒पेत् ।  
 यस्य॑ । गा॒वः । वा । पु॒रुषाः । 8 (50)

#### 2.2.2.4

वा प्र॒मीये॒रन् यो वा बि॒भीया॑देषा वा अ॒स्य भेष॑ज्या त॒नूर्य॑थ्  
 सु॒रभि॑मतीतयैवास्मै भेष॒जं क॑रोति सु॒रभि॑मते भवति पू॒तीग॑न्धस्या-  
 प॒ह॒त्या अ॒ग्नये॑ क्षामवते पु॒रोडा॑शम॒ष्टाक॑पालं निर्व॑पेथ् संग्रामे सँय॑त्ते  
 भा॒गधे॑येनैवैन॑श् शमयित्वा प॒रा॒न॒भि निर्दि॑शति यमव॑रेषां वि॒ध्यन्ति॑  
 जी॒वति॑ स यं प॑रेषां प्र स मी॑यते जय॑ति त॑श् संग्राम – [ ] 9

**2.2.2.4 - Padam**

वा । प्र॒मी॒ये॒र॒न्नि॒ति॒ प्र – मी॒ये॒र॒न् । यः । वा । बि॒भी॒यात् । ए॒षा । वै ।  
अ॒स्य॒ । भे॒ष॒ज्या॑ । त॒नूः । यत् । सु॒र॒भि॒म॒ती॒ति॒ सु॒र॒भि॒-म॒ती॑ । तया॑ ।  
ए॒व । अ॒स्मै । भे॒ष॒ज॒म् । क॒रो॒ति॒ । सु॒र॒भि॒म॒त॒ इति॑ सु॒र॒भि॒-म॒ते॑ ।  
भ॒व॒ति॒ । पू॒ती॒ग॒न्ध॒स्ये॒ति॒ पू॒ती॒-ग॒न्ध॒स्य॑ । अ॒प॒ह॒त्या॒ इत्य॑प॒-ह॒त्यै॑ ।  
अ॒ग्न॒ये॑ । क्षा॒म॒व॒त॒ इति॑ क्षा॒म॒-व॒ते॑ । पु॒रो॒डा॒श॒म् ।  
अ॒ष्टा॒क॒पा॒ल॒मि॒त्य॒ष्टा॒-क॒पा॒ल॒म् । नि॒रि॒ति॒ । व॒पे॒त् ।  
सं॒ग्रा॒म॒ इति॑ सं॒-ग्रा॒मे॑ । सँ॒य॒त्त॒ इति॑ सं॒-य॒त्ते॑ ।  
भा॒ग॒धे॒ये॒ने॒ति॒ भा॒ग॒-धे॒ये॒न॑ । ए॒व । ए॒न॒म् । श॒म॒यि॒त्वा ।  
प॒रा॒न् । अ॒भि॒ । नि॒रि॒ति॒ । दि॒श॒ति॒ । य॒म् । अ॒व॒रे॒षा॒म् । वि॒ध्य॒न्ति॑ ।  
जी॒व॒ति॒ । सः । य॒म् । प॒रे॒षा॒म् । प्रे॒ति॒ । सः । मी॒य॒ते॑ । ज॒य॒ति॒ ।  
त॒म् । सं॒ग्रा॒म॒मि॒ति॒ सं॒-ग्रा॒म॒म् । 9 (50)

**2.2.2.5**

-म॒भि॒ वा ए॒ष ए॒ता॒नु॒च्य॒ति॒ येषां॑ पू॒र्वा॒प॒रा॒ अ॒न्व॒ञ्चः॑ प्र॒मी॒य॒न्ते॑  
पु॒रु॒षा॒हु॒ति॒र्ह्य॒स्य॒ प्रि॒य॒त॒मा॒ग्न॒ये॑ क्षा॒म॒व॒ते॑ पु॒रो॒डा॒श॒म॒ष्टा॒क॒पा॒लं॑

निर्व॑पेद्-भा॒ग॒धे॒ये॒नै॒वैन॑ञ् श॒म॒य॒ति॒ नैषां॑ पु॒राऽऽ॒यु॒षो॒परः॑ प्र॒मी॒य॒तेऽभि॑  
वा ए॒ष ए॒तस्य॑ गृ॒हानु॑च्यति यस्य गृ॒हान् द॑हत्य॒ग्नये॑ क्षा॒मव॑ते  
पु॒रो॒डा॒शम॑ष्टाक॒पालं॑ निर्व॑पेद्-भा॒ग॒धे॒ये॒नै॒वैन॑ञ् श॒म॒य॒ति॒ ना ( )-  
स्या॒परं॑ गृ॒हान् द॑हति । 10

### 2.2.2.5 - Padam

अ॒भी॒ति॒ । वै । ए॒षः । ए॒तान् । उ॒च्य॒ति॒ । येषा॑म् । पू॒र्वा॒परा॑ इति॒  
पू॒र्व - अ॒पराः॑ । अ॒न्वञ्चः॑ । प्र॒मी॒य॒न्त इति॑ प्र - मी॒य॒न्ते ।  
पु॒रु॒षाहु॑तिरिति॒ पु॒रुष॑ - आ॒हु॒तिः । हि । अ॒स्य । प्रि॒य॒तमे॑ति॒  
प्रि॒य - त॒मा । अ॒ग्नये॑ । क्षा॒मव॑त इति॒ क्षा॒म - व॒ते । पु॒रो॒डा॒शम् ।  
अ॒ष्टाक॑पालमि॒त्यष्टा॑ - क॒पालम् । नि॒रिति॑ । व॒पेत् ।  
भा॒ग॒धे॒ये॒नेति॑ भा॒ग - धे॒येन॑ । ए॒व । ए॒नम् । श॒म॒य॒ति॒ । न ।  
ए॒षाम् । पु॒रा । आ॒युषः॑ । अ॒परः॑ । प्रेति॑ । मी॒य॒ते । अ॒भी॒ति॒ । वै ।  
ए॒षः । ए॒तस्य॑ । गृ॒हान् । उ॒च्य॒ति॒ । यस्य॑ । गृ॒हान् । द॑हति ।  
अ॒ग्नये॑ । क्षा॒मव॑त इति॒ क्षा॒म - व॒ते । पु॒रो॒डा॒शम् ।

अ॒ष्टाक॑पा॒लमि॒त्य॒ष्टा – क॒पा॒लम् । नि॒रि॒ति । व॒पे॒त् ।

भा॒ग॒धे॒ये॒ने॒ति भा॒ग – धे॒ये॒न । ए॒व । ए॒नम् । श॒य॒म॒ति । न ( ) ।

अ॒स्य । अ॒प॒रम् । गृ॒हान् । द॒ह॒ति । 10 (54)

(व्र॒त॒प॒त॒ये – नि॒शि॒ता॒यां निर्व॑पेत् – पु॒रु॒षाः – सं॒ग्रा॒मं – न –  
च॒त्वा॒रि च) (A2)

### 2.2.3.1

अ॒ग्नये॑ का॒माय॑ पु॒रो॒डा॒शम॑ष्टाक॒पा॒लं निर्व॑पे॒द्यं का॒मो नो॑प॒नमे॑द॒ग्निमे॑व  
का॒मः स्व॑ेन॒ भा॒ग॒धे॒ये॒नोप॑ धावति॒ स ए॒वैनं॑ का॒मेन॑ स॒म॒र्ध॒य॒त्युपै॑नं  
का॒मो न॑म॒त्य॒ग्नये॑ य वि॒ष्टाय॑ पु॒रो॒डा॒शम॑ष्टाक॒पा॒लं निर्व॑पे॒थ् स्पर्ध॑मानः  
क्षेत्रे॑ वा स॒जा॒तेषु॑ वाऽग्नि॑मे॒व यवि॑ष्टः स्व॑ेन॒ भा॒ग॒धे॒ये॒नोप॑ धावति॒  
तेनै॑वेन्द्रि॒यं वी॑र्यं भ्रातृ॒व्यस्य॑ – [ ] 11

### 2.2.3.1 - Padam

अ॒ग्नये॑ । का॒माय॑ । पु॒रो॒डा॒शम् । अ॒ष्टाक॑पा॒लमि॒त्य॒ष्टा – क॒पा॒लम् ।  
नि॒रि॒ति । व॒पे॒त् । यम् । का॒मः । न । उ॒प॒नमे॑दित्युप – नमे॑त् ।  
अ॒ग्निम् । ए॒व । का॒मम् । स्व॑ेन॒ भा॒ग॒धे॒ये॒ने॒ति भा॒ग – धे॒ये॒न ।



पद पाठे (वाक्य सहित) – द्वितीयकाण्डे – द्वितीयः प्रश्नः

उ॒पेति॑ । धा॒वति॑ । सः । ए॒व । ए॒नम् । का॒मेन॑ । स॒मिति॑ । अ॒र्धय॑ति ।  
उ॒पेति॑ । ए॒नम् । का॒मः । न॒मति॑ । अ॒ग्नये॑ । य॒विष्ठाय॑ । पु॒रोडा॑शम् ।  
अ॒ष्टाक॑पा॒लमि॒त्यष्टा॑-क॒पालम् । नि॒रिति॑ । व॒पेत् । स्पर्ध॑मानः । क्षे॒त्रे ।  
वा । स॒जाते॑ष्वि॒ति स – जा॒तेषु॑ । वा । अ॒ग्निम् । ए॒व । य॒विष्ठम् ।  
स्वे॒न । भा॒गधे॑ये॒नेति॑ भा॒ग – धे॑ये॒न । उ॒पेति॑ । धा॒वति॑ । ते॒न । ए॒व ।  
इ॒न्द्रि॒यम् । वी॒र्यम् । भ्रा॒तृव्य॑स्य । 11 (50)

**2.2.3.2**

यु॒वते॑ वि॒पाप्म॑ना भ्रा॒तृव्ये॑ण ज॒यते॑ऽग्नये॑ य॒विष्ठाय॑ पु॒रोडा॑श॒मष्टाक॑पा॒लं  
निर्व॑पेद॒भिच॑र्यमाणोऽग्नि॒मेव॑ य॒विष्ठ॑ स्वे॒न भा॒गधे॑ये॒नोप॑ धा॒वति॑ स  
ए॒वास्मा॑द्-र॒क्षा॑सि॒ यव॑यति॒ नैन॑-म॒भिच॑रन्थ् स्तृणु॑तेऽग्नय॒ आयु॑ष्मते  
पु॒रोडा॑श॒मष्टाक॑पा॒लं निर्व॑पेद्वः का॒मये॑त॒ सर्व॑मायु॒रिया॑-मि॒त्यग्नि॑-  
मे॒वाऽऽयु॑ष्मन्त॑ स्वे॒न भा॒गधे॑ये॒नोप॑ धा॒वति॑ स ए॒वास्मि॑ – [ ] 12

**2.2.3.2 - Padam**

यु॒वते॑ । वी॒ति॑ । पा॒प्मना॑ । भ्रा॒तृव्ये॑ण । ज॒यते॑ । अ॒ग्नये॑ । य॒विष्ठाय॑ ।  
पु॒रोडा॑शम् । अ॒ष्टाक॑पा॒लमि॒त्यष्टा॑ – क॒पालम् । नि॒रिति॑ । व॒पेत् ।

अ॒भि॒च॒र्य॒मा॒ण इ॒त्य॒भि – च॒र्य॒मा॒णः । अ॒ग्नि॒म् । ए॒व । य॒वि॒ष्ट॒म् ।  
 स्वे॒न । भा॒ग॒धे॒ये॒ने॒ति भा॒ग – धे॒ये॒न । उ॒पे॒ति । धा॒व॒ति । सः ।  
 ए॒व । अ॒स्मा॒त् । र॒क्षा॒ꣳसि । य॒व॒य॒ति । न । ए॒न॒म् ।  
 अ॒भि॒च॒र॒न्नि॒त्य॒भि – च॒र॒न् । स्तृ॒णु॒ते । अ॒ग्नये॑ । आ॒यु॒ष्म॒ते ।  
 पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा–क॒पा॒ल॒म् । नि॒रि॒ति । व॒पे॒त् । यः ।  
 का॒म॒ये॒त । स॒र्व॒म् । आ॒युः । इ॒या॒म् । इ॒ति । अ॒ग्नि॒म् । ए॒व ।  
 आ॒यु॒ष्म॒न्त॒म् । स्वे॒न । भा॒ग॒धे॒ये॒ने॒ति भा॒ग – धे॒ये॒न । उ॒पे॒ति ।

धा॒व॒ति । सः । ए॒व । अ॒स्मि॒न् । 12 (50)

### 2.2.3.3

– न्ना॒यु॒र्द॒धा॒ति स॒र्व॒मा॒यु॒रे॒त्य॒ग्नये॑ जा॒त॒वे॒द॒से पु॒रो॒डा॒श–म॒ष्टा॒क॒पा॒लं  
 नि॒र्व॒पे॒द्–भू॒ति॒का॒मो॒ऽग्नि॒मे॒व जा॒त॒वे॒द॒सꣳ स्वे॒न भा॒ग॒धे॒ये॒नो॒प धा॒व॒ति  
 स ए॒वैनं॑ भू॒तिं ग॒म॒य॒ति भ॒व॒त्ये॒वा॒ग्नये॑ रु॒क्म॒ते पु॒रो॒डा॒श–म॒ष्टा॒क॒पा॒लं  
 नि॒र्व॒पे॒द्–रु॒क्मा॒मो॒ऽग्नि॒मे॒व रु॒क्म॒न्तꣳ स्वे॒न भा॒ग॒धे॒ये॒नो॒प धा॒व॒ति स  
 ए॒वा॒स्मि॒न् रु॒चं द॒धा॒ति॒रो॒च॒त ए॒वा॒ग्नये॑ ते॒ज॒स्व॒ते पु॒रो॒डा॒श – [ ] 13

**2.2.3.3 - Padam**

आयुः॑ । द॒धा॒ति॑ । स॒र्वम्॑ । आयुः॑ । ए॒ति॑ । अ॒ग्नये॑ । जा॒तवे॑दस इति॑  
जा॒त – वे॒दसे॑ । पु॒रोडा॑शम् । अ॒ष्टाक॑पा॒लमि॒त्यष्टा॑ – क॒पा॒लम् ।  
नि॒रिति॑ । व॒पेत् । भू॒तिकाम॑ इति॑ भू॒ति – का॒मः । अ॒ग्निम् । ए॒व ।  
जा॒तवे॑दसमि॒ति जा॒त – वे॒दसम् । स्वे॒न । भा॒गधे॑येनेति॑  
भा॒ग – धे॑येन । उ॒पेति॑ । धा॒वति॑ । सः । ए॒व । ए॒नम् । भू॒तिम् ।  
ग॒मय॑ति । भ॒वति॑ । ए॒व । अ॒ग्नये॑ । रु॒क्मते॑ । पु॒रोडा॑शम् ।  
अ॒ष्टाक॑पा॒लमि॒त्यष्टा॑-क॒पा॒लम् । नि॒रिति॑ । व॒पेत् । रु॒क्काम॑ इति॑  
रु॒क् – का॒मः । अ॒ग्निम् । ए॒व । रु॒क्मन्त॑म् । स्वे॒न । भा॒गधे॑येनेति॑  
भा॒ग – धे॑येन । उ॒पेति॑ । धा॒वति॑ । सः । ए॒व । अ॒स्मिन् । रु॒चम् ।  
द॒धा॒ति॑ । रो॒चते॑ । ए॒व । अ॒ग्नये॑ । ते॒जस्व॑ते । पु॒रोडा॑शम् । 13 (50)

**2.2.3.4**

–म॒ष्टाक॑पा॒लं नि॒र्वपे॑त् ते॒जस्का॑मोऽग्नि॒मे॒व ते॒जस्व॑न्तः॒  
स्वे॒न भा॒गधे॑येनो॒प धा॒वति॑ स ए॒वास्मि॑न् ते॒जो द॑धाति ते॒जस्व्ये॑व  
भ॒वत्य॑ग्नये सा॒हन्त्या॑य पु॒रोडा॑शम॒ष्टाक॑पा॒लं नि॒र्वपे॑त् सी॒क्षमा॑णो

अ॒ग्नि॒मे॒व सा॒हन्त्य॑ ७ स्वे॒न भा॒ग॒धे॒ये॒नो॒प धा॒वति॑ ते॒नै॒व स॒हते॑ य॒ः  
सी॒क्षते॑ । 14

#### 2.2.3.4 - Padam

अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॑ । व॒पे॒त् । ते॒ज॒स्का॒म इति॑  
ते॒जः – का॒मः । अ॒ग्नि॒म् । ए॒व । ते॒ज॒स्व॒न्त॒म् । स्वे॒न । भा॒ग॒धे॒ये॒नेति॑  
भा॒ग – धे॒ये॒न । उ॒पेति॑ । धा॒वति॑ । सः । ए॒व । अ॒स्मि॒न् । ते॒जः ।  
द॒धा॒ति॑ । ते॒ज॒स्वी । ए॒व । भ॒वति॑ । अ॒ग्नये॑ । सा॒हन्त्या॑य ।  
पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॑ । व॒पे॒त् ।  
सी॒क्ष॒मा॒णः । अ॒ग्नि॒म् । ए॒व । सा॒हन्त्य॑म् । स्वे॒न ।  
भा॒ग॒धे॒ये॒नेति॑ भा॒ग – धे॒ये॒न । उ॒पेति॑ । धा॒वति॑ । ते॒न ।  
ए॒व । स॒हते॑ । य॒म् । सी॒क्षते॑ । 14 (38) (भ्रा॒तृ॒व्य॒स्या – स्मि॒न् –  
ते॒ज॒स्वते॑ पु॒रो॒डा॒श – म॒ष्टा॒त्रि॒ंश॒च्च) (A3)

#### 2.2.4.1

अ॒ग्नये॑ऽन्न॒वते॑ पु॒रो॒डा॒श॒म॒ष्टा॒क॒पा॒लं नि॒र्वपे॑द्यः का॒मये॑ता॒न्न॒वान्थ् –  
स्या॒मि॒त्य॒ग्नि॒मे॒वा – न्न॒व॒न्त॑ ७ स्वे॒न भा॒ग॒धे॒ये॒नो॒प धा॒वति॑ स

पद पाठे (वाक्य सहित) – द्वितीयकाण्डे – द्वितीयः प्रश्नः

ए॒वैन॑म॒न्नव॑न्तं॒ करो॑त्य॒न्नवा॑ने॒व भ॑वत्य॒ग्नये॑ऽन्ना॒दाय॑ पु॒रोडा॑श॒मष्टा॑क॒पालं॑  
निर्व॑पे॒द्यः का॒मये॑ता॒न्नादः॑ स्या॒मित्य॒ग्नि-मे॒वान्ना॑दऽ॒स्वेन॑ भा॒गधे॑ये॒नोप॑  
धा॒वति॑ स ए॒वैन॑म॒न्नादं॑ करो॒त्यन्ना॑द - [ ] 15

**2.2.4.1 - Padam**

अ॒ग्नये॑ । अ॒न्नव॑त इ॒त्यन्न॑ - व॒ते । पु॒रोडा॑शम् ।  
अ॒ष्टाक॑पाल॒मित्य॑ष्टा - क॒पालम् । नि॒रिति॑ । व॒पेत् । यः ।  
का॒मये॑त । अ॒न्नवा॑नित्य॒न्न - वा॒न् । स्या॒म् । इति॑ । अ॒ग्निम् ।  
ए॒व । अ॒न्नव॑न्त॒मित्य॑न्न - व॒न्तम् । स्वे॒न । भा॒गधे॑ये॒नेति॑  
भा॒ग - धे॑ये॒न । उ॒पेति॑ । धा॒वति॑ । सः । ए॒व । ए॒नम् ।  
अ॒न्नव॑न्त॒मित्य॑न्न - व॒न्तम् । करो॑ति । अ॒न्नवा॑नित्य॒न्न - वा॒न् । ए॒व ।  
भ॒वति॑ । अ॒ग्नये॑ । अ॒न्नादा॑येत्य॒न्न - अ॒दाय॑ । पु॒रोडा॑शम् ।  
अ॒ष्टाक॑पाल॒मित्य॑ष्टा - क॒पालम् । नि॒रिति॑ । व॒पेत् । यः । का॒मये॑त ।  
अ॒न्नाद॑ इ॒त्यन्न॑ - अ॒दः । स्या॒म् । इति॑ । अ॒ग्निम् । ए॒व ।  
अ॒न्नाद॑मित्य॒न्न - अ॒दम् । स्वे॒न । भा॒गधे॑ये॒नेति॑ भा॒ग - धे॑ये॒न ।

उ॒पेति॑ । धा॒वति॑ । सः । ए॒व । ए॒नम् । अ॒न्नाद॑मित्यन्न – अ॒दम् ।

क॒रोति॑ । अ॒न्नाद॑ इत्यन्न – अ॒दः । 15 (50)

#### 2.2.4.2

ए॒व भव॑त्य॒ग्नयेऽन्न॑पतये॒ पुरो॑डाशम॒ष्टाक॑पालं॒ निर्व॑पे॒द्यःका॒मये॑तान्नपतिः॒  
स्या॑मित्य॒ग्नि-मे॒वान्न॑पतिः॒ स्वेन॑ भा॒गधे॑येनोप॒ धाव॑ति स ए॒वैन॑मन्नपतिं॒  
क॒रोत्य॑न्नपतिरे॒व भव॑त्य॒ग्नये॒ पव॑मानाय॒ पुरो॑डाशम॒ष्टाक॑पालं॒  
निर्व॑पे॒दग्नये॑ पा॒वका॑या॒ग्नये॒ शुच॑ये॒ ज्यो॑गामयावी॒ यद॑ग्नये॒ पव॑मानाय॒  
निर्व॑पति प्रा॒णमे॒वास्मिन्॑ तेन॒ दधा॑ति॒ यद॑ग्नये – [ ] 16

#### 2.2.4.2 - Padam

ए॒व । भव॑ति । अ॒ग्नये॑ । अ॒न्नप॑तय इत्यन्न – प॒तये॑ । पु॒रोडा॑शम् ।  
अ॒ष्टाक॑पालमित्य॒ष्टा – क॒पाल॑म् । निरि॑ति । व॒पेत् । यः । का॒मये॑त ।  
अ॒न्नप॑तिरित्यन्न – प॒तिः । स्या॑म् । इति॑ । अ॒ग्निम् । ए॒व ।  
अ॒न्नप॑तिमित्यन्न – प॒तिम् । स्वेन॑ । भा॒गधे॑येनेति॒ भाग॑ – धे॒येन॑ ।  
उ॒पेति॑ । धा॒वति॑ । सः । ए॒व । ए॒नम् । अ॒न्नप॑तिमित्यन्न – प॒तिम् ।  
क॒रोति॑ । अ॒न्नप॑तिरित्यन्न – प॒तिः । ए॒व । भव॑ति । अ॒ग्नये॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

पव॑मानाय॑ । पुरो॑डाशम् । अष्टा॑कपालमित्यष्टा – क॒पालम् । निरि॑ति ।  
वपे॑त् । अ॒ग्नये॑ । पा॒वकाय॑ । अ॒ग्नये॑ । शु॒चये॑ ।  
ज्यो॑गामयावीति॑ ज्योक् – आ॒मया॑वी । यत् । अ॒ग्नये॑ । पव॑मानाय ।  
निर्व॑पतीति॑ निः – वप॑ति । प्रा॒णमि॑ति प्र – अ॒नम् । ए॒व । अ॒स्मिन् ।  
तेन॑ । द॒धाति॑ । यत् । अ॒ग्नये॑ । 16 (50)

**2.2.4.3**

पा॒वकाय॑ वाच॑मेवास्मिन् तेन॑ द॒धाति॑ यद॒ग्नये॑ शु॒चये॑ आ॒युरे॒वास्मिन्  
तेन॑ द॒धात्यु॑त यदी॒तासु॑र्भवति॑ जी॒वत्ये॒वैता॑मेव निर्व॑पेच्चक्षु॑ष्कामो  
यद॒ग्नये॑ पव॑मानाय निर्व॑पति प्रा॒णमे॒वास्मिन् तेन॑ द॒धाति॑ यद॒ग्नये॑  
पा॒वकाय॑ वाच॑मेवास्मिन् तेन॑ द॒धाति॑ यद॒ग्नये॑ शु॒चये॑ चक्षु॑रे॒वास्मिन्  
तेन॑ द॒धा – [ ] 17

**2.2.4.3 - Padam**

पा॒वकाय॑ । वाच॑म् । ए॒व । अ॒स्मिन् । तेन॑ । द॒धाति॑ । यत् ।  
अ॒ग्नये॑ । शु॒चये॑ । आ॒युः । ए॒व । अ॒स्मिन् । तेन॑ । द॒धाति॑ । उ॒त ।  
यदि॑ । इ॒तासु॑रिती॒त-अ॒सुः । भव॑ति । जी॒वति॑ । ए॒व । ए॒ताम् । ए॒व ।

पद पाठे (वाक्य सहित) – द्वितीयकाण्डे – द्वितीयः प्रश्नः

निरि॑ति । व॒पेत् । चक्षु॑ष्काम॒ इति॑ चक्षुः॑ – कामः॑ । यत् । अ॒ग्नये॑ ॥  
पव॑मानाय । निर्व॑पतीति॒ निः – व॑पति । प्रा॒णमि॑ति प्र-अ॒नम् । ए॒व ।  
अ॒स्मिन् । तेन॑ । द॒धाति॑ । यत् । अ॒ग्नये॑ ॥ पा॒वकाय॑ । वा॒चम् । ए॒व ।  
अ॒स्मिन् । तेन॑ । द॒धाति॑ । यत् । अ॒ग्नये॑ ॥ शु॒चये॑ । चक्षुः॑ । ए॒व ।  
अ॒स्मिन् । तेन॑ । द॒धाति॑ । 17 (50)

**2.2.4.4**

-त्यु॑त यद्य॒न्धो भ॑वति प्रै॒व प॑श्यत्य॒ग्नये॑ पु॒त्रव॑ते पु॒रोडा॑शम॒ष्टाक॑पालं  
निर्व॑पेदिन्द्रा॒य पु॒त्रिणे॑ पु॒रोडा॑शमेकादशकपालं प्र॒जाका॑मोऽग्नि॒रेवा॒स्मै  
प्र॒जांप्र॑जनयति वृ॒द्धमिन्द्रः॑ प्र य॒च्छत्य॒ग्नये॑ र॒सव॑तेऽज॒क्षीरे॑ चरुं  
निर्व॑पेद्यः कामये॒त र॒सवा॑न्थ-स्यामि॒त्यग्नि॑मे॒व र॒सव॑न्तं स्वेन॑  
भा॒गधे॑येनोप॒ धा॒वति॑ स ए॒वैनं॑ र॒सव॑न्तं करोति - [ ] 18

**2.2.4.4 - Padam**

उ॒त । य॒दि । अ॒न्धः । भ॑वति । प्रै॒ति । ए॒व । प॑श्यति । अ॒ग्नये॑ ॥  
पु॒त्रव॑त इति॒ पु॒त्र – व॑ते । पु॒रोडा॑शम् ।  
अ॒ष्टाक॑पालमि॒त्यष्टा॑ – क॒पालम् । निरि॑ति । व॒पेत् । इन्द्रा॑य । पु॒त्रिणे॑ ॥



पु॒रो॒डा॒शम् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒लम् ।

प्र॒जा॒का॒म इति॑ प्र॒जा – का॒मः । अ॒ग्निः । ए॒व । अ॒स्मै ।

प्र॒जा॒मि॒ति प्र॒-जा॒म् । प्र॒ज॒न॒य॒तीति॑ प्र – ज॒न॒य॒ति ।

वृ॒द्धाम् । इन्द्रः॑ । प्रेति॑ । य॒च्छति॑ । अ॒ग्नये॑ । र॒स॒व॒त इति॑ र॒स-व॑ते ।

अ॒ज॒क्षी॒र इत्य॑ज – क्षी॒रे । च॒रुम् । नि॒रि॒ति । व॒पेत् । यः । का॒मये॑त ।

र॒स॒वा॒नि॒ति र॒स – वा॒न् । स्या॒म् । इति॑ । अ॒ग्नि॒म् । ए॒व ।

र॒स॒व॒न्त॒मि॒ति र॒स – व॒न्त॒म् । स्वे॒न । भा॒ग॒धे॒ये॒नेति॑ भा॒ग – धे॒ये॒न ।

उ॒पेति॑ । धा॒व॒ति । सः । ए॒व । ए॒न॒म् । र॒स॒व॒न्त॒मि॒ति र॒स – व॒न्त॒म् ।

क॒रो॒ति । 18 (50)

#### 2.2.4.5

र॒स॒वा॒ने॒व भ॑वत्यजक्षी॒रे भ॑वत्याग्नेयी वा ए॒षा य॒द॒जा सा॒क्षादे॑व

र॒स॒म॒व रु॒न्धे॒ऽग्नये॑ व॒सु॒म॒ते पु॒रो॒डा॒श॒म॒ष्टा॒क॒पा॒लं नि॒र्व॒पे॒द्यः का॒मये॑त

व॒सु॒मा॒न्थ्-स्या॒मि॒त्य॒ग्नि-मे॒व व॒सु॒म॒न्त॒ऽस्वे॒न भा॒ग॒धे॒ये॒नो॒प धा॒व॒ति

स ए॒वैनं॑ व॒सु॒मन्तं॑ क॒रोति॑ व॒सु॒मा॒ने॒व भ॑व॒त्य॒ग्नये॑ वा॒ज॒सृते॑  
पु॒रो॒डा॒श॒म॒ष्टा॒क॒पा॒लं॑ नि॒र्वपे॑त् स॒ंग्रा॒मे सं य॑त्ते वा॒जं – [ ] 19

#### 2.2.4.5 - Padam

र॒स॒वा॒नि॒ति र॒स – वा॒न् । ए॒व । भ॒व॒ति । अ॒ज॒क्षी॒र इ॒त्य॒ज – क्षी॒रे ।  
भ॒व॒ती । आ॒ग्ने॒यी । वै । ए॒षा । य॒त् । अ॒जा । सा॒क्षा॒दि॒ति  
स – अ॒क्षा॒त् । ए॒व । र॒स॒म् । अ॒वे॒ति । रु॒न्धे । अ॒ग्नये॑ । व॒सु॒म॒त  
इ॒ति व॒सु – म॒ते । पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् ।  
नि॒रि॒ति । व॒पे॒त् । यः । का॒मये॑त । व॒सु॒मा॒नि॒ति व॒सु – मा॒न् । स्या॒म् ।  
इ॒ति । अ॒ग्नि॒म् । ए॒व । व॒सु॒म॒न्त॒मि॒ति व॒सु – म॒न्त॒म् । स्वे॒न ।  
भा॒ग॒धे॒ये॒ने॒ति भा॒ग – धे॒ये॒न । उ॒पे॒ति । धा॒व॒ति । सः । ए॒व । ए॒न॒म् ।  
व॒सु॒म॒न्त॒मि॒ति व॒सु – म॒न्त॒म् । क॒रो॒ति । व॒सु॒मा॒नि॒ति व॒सु – मा॒न् ।  
ए॒व । भ॒व॒ति । अ॒ग्नये॑ । वा॒ज॒सृ॒त इ॒ति वा॒ज – सृ॒ते । पु॒रो॒डा॒श॒म् ।  
अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति । व॒पे॒त् ।  
स॒ंग्रा॒म इ॒ति सं – ग्रा॒मे । सँय॑त्त इ॒ति सं – य॑त्ते । वा॒ज॒म् । 19 (50)

**2.2.4.6**

ॐ॑ वा॒ ए॒ष॒ सि॒सी॒र्ष॒ति॒ यः॑ सं॒ग्रा॒मं॑ जि॒गी॒ष॒त्य॒ग्निः॑ ख॒लु॒ वै दे॒वा॒नां॑  
वा॒ज॒सृ॒द॒ग्नि॒मे॒व॑ वा॒ज॒सृ॒त॒ऽस्वे॒न॑ भा॒ग॒धे॒ये॒नो॒प॑ धा॒व॒ति॒ धा॒व॒ति॑  
वा॒ज॒ऽह॒न्ति॑ वृ॒त्रं॑ ज॒य॒ति॒ त॒ऽसं॒ग्रा॒म॒म॒थो॑ अ॒ग्नि॒रि॒व॒ न॑ प्र॒ति॒धृ॒षे  
भ॒व॒त्य॒ग्नये॑ऽग्नि॒व॒ते॑ पु॒रो॒डा॒श॒म॒ष्टा॒क॒पा॒लं॑ नि॒र्व॒पे॒द्-य॒स्या॒ग्ना-व॒ग्नि-  
म॒भ्यु॒द्ध॒रे॒यु-नि॒र्दि॒ष्ट॒भा॒गो॑ वा ए॒तयो॑र॒न्योऽनि॒र्दि॒ष्ट॒भा॒गोऽन्य॑स्तौ  
सं॒भ॒व॒न्तौ॑ य॒ज॒मा॒न - [ ] 20

**2.2.4.6 - Padam**

वै । ए॒षः । सि॒सी॒र्ष॒ति॒ । यः । सं॒ग्रा॒म॒मि॒ति॑ सं - ग्रा॒मम् ।  
जि॒गी॒ष॒ति॒ । अ॒ग्निः । ख॒लु॒ । वै । दे॒वा॒ना॒म् । वा॒ज॒सृ॒दि॒ति॑  
वा॒ज - सृ॒त् । अ॒ग्नि॒म् । ए॒व । वा॒ज॒सृ॒त॒मि॒ति॑ वा॒ज-सृ॒त॒म् । स्वे॒न॑ ।  
भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॑ । धा॒व॒ति॑ । वा॒ज॒म् ।  
ह॒न्ति॑ । वृ॒त्र॒म् । ज॒य॒ति॑ । त॒म् । सं॒ग्रा॒म॒मि॒ति॑ सं - ग्रा॒मम् । अ॒थो  
इ॒ति॑ । अ॒ग्निः । इ॒व॒ । न॒ । प्र॒ति॒धृ॒ष॒ इ॒ति॑ प्र॒ति - धृ॒षे॑ । भ॒व॒ति॑ ।  
अ॒ग्नये॑ । अ॒ग्नि॒व॒त॒ इ॒त्य॒ग्नि - व॒ते॑ । पु॒रो॒डा॒श॒म् ।

अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॒ । व॒पे॒त् । य॒स्य॒ । अ॒ग्नौ॒ ।  
अ॒ग्नि॒म् । अ॒भ्यु॒द्ध॒रे॒यु॒रि॒त्य॒भि – उ॒द्ध॒रे॒युः॒ । नि॒र्दि॒ष्ट॒भा॒ग इति॒  
नि॒र्दि॒ष्ट – भा॒गः॒ । वै॒ । ए॒तयोः॑ । अ॒न्यः॒ ।

अ॒नि॒र्दि॒ष्ट॒भा॒ग इत्य॑नि॒र्दि॒ष्ट – भा॒गः॒ । अ॒न्यः॒ । तौ॒ ।

सं॒भ॒व॒न्ता॒वि॒ति सं – भ॒व॒न्तौ॒ । य॒ज॒मा॒न॒म् । 20 (50)

#### 2.2.4.7

–म॒भि सं॒ भ॒व॒तः॒ स ई॒श्वर॑ आ॒र्ति॒मा॒र्तो – र्य॒द॒ग्नये॑ ऽग्न॒व॒ते॒ निर्व॑पति  
भा॒ग॒धे॒ये॒नै॒वैनौ॑ श॒म॒य॒ति ना॒ऽऽ\*॒र्ति॒मा॒च्छ॑ति य॒ज॒मा॒नो॑ ऽग्नये॒ ज्योति॑ष्मते  
पु॒रो॒डा॒श॒म॒ष्टा॒क॒पा॒लं निर्व॑पेद् – य॒स्या – ग्नि॒रु॒द्धृ॒तो॑ ऽहु॒ते – ऽग्न॒हो॒त्र  
उ॒द्वा॒ये द॒पर आ॒दी॒प्या॒नू॒द्धृ॒त्य इत्या॑हु॒स्तत् त॒था न का॒र्यं॑ यद् –  
भा॒ग॒धे॒य॒म॒भि पू॒र्व उ॒द्धि॒य॒ते कि॒म॒प॒रो॑ ऽभ्यु – [ ] 21

#### 2.2.4.7 - Padam

अ॒भि । स॒मि॒ति॒ । भ॒व॒तः॒ । सः॒ । ई॒श्वरः॑ । आ॒र्ति॒म् ।  
आ॒र्तो॒रि॒त्या – अ॒र्तोः॒ । यत् । अ॒ग्नये॑ । अ॒ग्न॒व॒त इत्य॑ग्नि – व॒ते॑ ।  
निर्व॑पतीति निः – व॒प॒ति॒ । भा॒ग॒धे॒ये॒नेति॑ भा॒ग – धे॒ये॒न । ए॒व । ए॒नौ॒ ।

पद पाठे (वाक्य सहित) – द्वितीयकाण्डे – द्वितीयः प्रश्नः

श॒मय॑ति । न । आ॒र्ति॑म् । ए॒ति । ऋ॒च्छ॑ति । यज॑मानः । अ॒ग्नये॑ ।  
ज्यो॑तिष्मते । पु॒रो॒डा॒शम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति॑ ।  
व॒पे॒त् । य॒स्य॑ । अ॒ग्निः । उ॒द्धृ॑त इत्युत् – ह॒तः । अ॒हु॒ते॑ ।  
अ॒ग्नि॒हो॒त्र इ॒त्य॒ग्नि – हो॒त्रे । उ॒द्वा॒ये॒दि॒त्युत् – वा॒ये॒त् । अ॒परः ।  
आ॒दी॒प्ये॒त्या – दी॒प्य॑ । अ॒नू॒द्धृ॑त्य इत्यनु – उ॒द्धृ॑त्यः । इ॒ति॑ । आ॒हुः ।  
तत् । त॒था । न । का॒र्य॑म् । यत् । भा॒ग॒धे॒य॒मि॒ति भा॒ग – धे॒य॑म् ।  
अ॒भी॒ति॑ । पू॒र्वः । उ॒द्धि॒य॒त इ॒त्युत् – हि॒य॒ते॑ । कि॒म् । अ॒परः ।  
अ॒भि । उ॒दि॒ति॑ । 21 (50)

**2.2.4.8**

–द॒ध्रि॒ये॒ते॒ति॑ ता॒न्ये॒वा व॒क्षा॒णा॒नि स॒न्नि॒धाय॑ म॒न्थे॒दितः॑ प्र॒थमं॑ ज॒ज्ञे  
अ॒ग्निः स्वा॒द्यो॒ने॒रधि॑ जा॒तवे॑दाः । स गा॒य॒त्रि॒या त्रि॒ष्टु॒भा ज॒ग॒त्या  
दे॒वे॒भ्यो ह॒व्यं व॑ह॒तु प्र॒जा॒न॒नि॒ति॑ छ॒न्दो॒भि॒रे॒वैन॑ स्वा॒द्यो॒नेः  
प्र॒ज॒न॒य॒त्येष॑ वा व सो॒ऽग्नि॒रि॒त्याहु॑ ज्यो॑ति॒स्त्वा अ॒स्य॑ प॒रा॒प॒ति॒त॒मि॒ति॑

यद॒ग्नये॑ ज्योति॑ष्मते॒ निर्व॑पति॒ यदे॒वास्य॑ ( ) ज्योतिः॑ परा॒पति॑तं  
तदे॒वाव॑ रुन्धे । 22

**2.2.4.8 - Padam**

ह्रिये॑त । इति॑ । तानि॑ । ए॒व । अ॒व॒क्षा॒णानी॑त्य॒व – क्षा॒णानि॑ ।  
सन्नि॑धायेति॒ सं – नि॒धाय॑ । म॒न्थेत् । इतः॑ । प्रथ॑मम् ।  
ज॒ज्ञे । अ॒ग्निः । स्वा॒त् । यो॒नेः॑ । अधी॑ति । जा॒तवे॑दा इति॑  
जा॒त – वे॒दाः । सः । गा॒य॒त्रिया॑ । त्रि॒ष्टुभा॑ । जग॑त्या । दे॒वैभ्यः॑ ।  
ह॒व्यम् । व॒हतु॑ । प्र॒जा॒न॒न्निति॑ प्र – जा॒न॒न् । इति॑ । छ॒न्दोभि॑रिति॒  
छ॒न्दः – भिः॑ । ए॒व । ए॒नम् । स्वा॒त् । यो॒नेः॑ । प्रेति॑ । ज॒नय॑ति ।  
ए॒षः । वा॒व । सः । अ॒ग्निः । इति॑ । आ॒हुः । ज्योतिः॑ । तु । वै ।  
अ॒स्य । परा॑प॒ति॒तमि॑ति॒ परा॑ – प॒ति॒तम् । इति॑ । यत् । अ॒ग्नये॑ ।  
ज्योति॑ष्मते । निर्व॑प॒तीति॑ निः – व॒पति॑ । यत् । ए॒व । अ॒स्य ( ) ।  
ज्योतिः॑ । परा॑प॒ति॒तमि॑ति॒ परा॑ – प॒ति॒तम् । तत् ।  
ए॒व । अ॒वेति॑ । रुन्धे॑ । 22 (56)

पद पाठे (वाक्य सहित) – द्वितीयकाण्डे – द्वितीयः प्रश्नः

(करोत्यन्नादौ – दधाति यदग्नये – शुचये चक्षुरेवास्मिन् तेन दधाति  
– करोति – वाजं – यजमान – मु – देवास्य – षट्च) (A4)

### 2.2.5.1

वैश्वानरं द्वादशकपालं निर्वपेद्-वारुणं चरुं दधिक्राव्णो  
चरुमभिशस्यमानो यद्-वैश्वानरो द्वादशकपालो भवति सँवत्सरो वा  
अग्नि वैश्वानरः सँवत्सरेणैवैनं स्वदयत्यप पापं वर्णं हते  
वारुणेनैवैनं वरुणपाशान् मुञ्चति दधिक्राव्णो पुनाति हिरण्यं  
दक्षिणा पवित्रं वै हिरण्यं पुनात्येवैनमाद्य-मस्यान्नं भवत्येतामेव  
निर्वपेत् प्रजाकामः सँवत्सरो – [ ] 23

### 2.2.5.1 - Padam

वैश्वानरम् । द्वादशकपालमिति द्वादश – कपालम् । निरिति ।  
वपेत् । वारुणम् । चरुम् । दधिक्राव्ण इति दधि – क्राव्णो ।  
चरुम् । अभिशस्यमान इत्यभि – शस्यमानः । यत् । वैश्वानरः ।  
द्वादशकपाल इति द्वादश – कपालः । भवति ।  
सँवत्सर इति सं – वत्सरः । वै । अग्निः । वैश्वानरः ।

सँव॑त्स॒रेणो॑ति सं – व॒त्स॒रेण॑ । ए॒व । ए॒नम् । स्व॒द॒य॒ति ।  
 अ॒पे॒ति । पा॒पम् । वर्ण॑म् । ह॒ते । वा॒रु॒णेन॑ । ए॒व । ए॒नम् ।  
 व॒रु॒णपा॑शादिति वरुण – पा॒शात् । मु॒ञ्च॒ति । द॒धि॒क्राव्णो॑ति  
 द॒धि – क्राव्ण॑णा । पु॒ना॒ति । हि॒र॒ण्यम् । दक्षि॑णा । प॒वि॒त्रम् । वै ।  
 हि॒र॒ण्यम् । पु॒ना॒ति । ए॒व । ए॒नम् । आ॒द्यम् । अ॒स्य । अ॒न्नम् ।  
 भ॒व॒ति । ए॒ताम् । ए॒व । नि॒रि॒ति । व॒पेत् । प्र॒जा॒काम॑ इति  
 प्र॒जा – का॒मः । सँव॑त्स॒र इति॑ सं – व॒त्स॒रः । 23 (50)

### 2.2.5.2

वा ए॒तस्या॑ शा॒न्तो यो॒निं प्र॒जायै॑ प॒शूनां॑ निर्द॒हति॑ योऽ॒लं प्र॒जायै॑ सन्  
 प्र॒जां न वि॒न्दते॑ यद्-वै॒श्वान॑रो द्वा॒द॒श॒क॒पालो॑ भ॒वति॑ सँव॑त्स॒रो वा  
 अ॒ग्नि वै॒श्वान॑रः सँव॑त्स॒रमे॒व भा॒ग॒धे॒येन॑ श॒मय॑ति सोऽ॒स्मै शा॒न्तः  
 स्वा॒द्यो॒नैः प्र॒जां प्र॒ज॒नय॑ति वा॒रु॒णेनै॑वैनं व॒रु॒णपा॑शान् मु॒ञ्च॒ति  
 द॒धि॒क्राव्ण॑णा पु॒ना॒ति हि॒र॒ण्यं दक्षि॑णा प॒वि॒त्रं वै हि॒र॒ण्यं  
 पु॒ना॒त्ये॒वैनं॑ – [ ] 24



**2.2.5.2 - Padam**

वै । ए॒तस्य॑ । अ॒शान्तः॑ । यो॒निम् । प्र॒जाया॑ इति॑ प्र – जायै॑ ।  
प॒शूनाम् । नि॒रिति॑ । द॒हति॑ । यः । अ॒लम् । प्र॒जाया॑ इति॑ प्र-जायै॑ ।  
सन् । प्र॒जामि॑ति प्र – जाम् । न । वि॒न्दते॑ । यत् । वै॒श्वानरः॑ ।  
द्वा॒दश॑क॒पाल इति॑ द्वा॒दश – क॒पालः । भ॒वति॑ । सँव॑त्स॒र इति॑  
सं – व॒त्स॒रः । वै । अ॒ग्निः । वै॒श्वानरः॑ । सँव॑त्स॒रमि॑ति  
सं – व॒त्स॒रम् । ए॒व । भा॒गधे॑येनेति॑ भा॒ग – धे॑येन ।  
श॒मय॑ति । सः । अ॒स्मै । शान्तः॑ । स्वात् । यो॒नैः । प्र॒जामि॑ति  
प्र – जाम् । प्रेति॑ । ज॒नय॑ति । वा॒रुणे॑न । ए॒व । ए॒नम् ।  
व॒रुण॑पा॒शादि॑ति व॒रुण – पा॒शात् । मु॒ञ्च॑ति ।  
द॒धिक्रा॑व्णोति॑ द॒धि – क्रा॑व्ण॒णा । पु॒नाति॑ । हि॒र॒ण्यम् । दक्षि॑णा ।  
प॒वि॒त्रम् । वै । हि॒र॒ण्यम् । पु॒नाति॑ । ए॒व । ए॒नम् । 24 (50)

**2.2.5.3**

वि॒न्दते॑ प्र॒जां वै॒श्वान॑रं द्वा॒दश॑क॒पालं निर्व॑पेत् पु॒त्रे जा॒तेय॑द॒ष्टाक॑पालो  
भ॒वति॑ गा॒य॒त्रि॒यैवैनं॑ ब्र॒ह्मव॑र्च॒सेन॑ पु॒नाति॑ यन्न॑व॒कपाल॑-स्त्रि॒वृ॒तैवा॑स्मिन्

तेजो॑ दधाति॒ यद्-दश॑कपालो॒ विराजै॑वास्मिन्नन्नाद्यं॒ दधाति॑  
यदे॑कादशकपाल- स्त्रिष्टु॑भैवास्मिन्निन्द्रियं॒ दधाति॑ यद्-द्वादश॑कपालो॒  
जग॑त्यैवास्मिन् प॒शून् दधाति॑ यस्मिन् जा॒त ए॒तामिष्टिं॑  
निर्व॑पति पू॒त- [ ] 25

### 2.2.5.3 - Padam

विन्द॑ते । प्र॒जामि॑ति प्र - जाम् । वै॒श्वान॑रम् । द्वाद॑शकपालमि॒ति  
द्वाद॑श - क॒पालम् । निरि॑ति । व॒पेत् । पु॒त्रे । जा॒ते । यत् ।  
अ॒ष्टाक॑पाल इत्य॒ष्टा - क॒पालः । भव॑ति । गा॒यत्रि॑या । ए॒व । ए॒नम् ।  
ब्र॒ह्मव॑र्चसेनेति ब्र॒ह्म - व॑र्चसेन । पु॒नाति॑ । यत् । न॒वक॑पाल इति  
न॒व - क॒पालः । त्रि॒वृते॑ति त्रि - वृ॒ता । ए॒व । अ॒स्मिन् ।  
तेजः॑ । दधा॑ति । यत् । द॒शक॑पाल इति द॒श - क॒पालः । वि॒राजे॑ति  
वि - रा॒जा । ए॒व । अ॒स्मिन् । अ॒न्नाद्य॑मित्यन्न - अ॒द्यम् । दधा॑ति ।  
यत् । ए॒काद॑शकपाल इत्ये॒काद॑श - क॒पालः । त्रि॒ष्टुभा॑ । ए॒व ।  
अ॒स्मिन् । इन्द्रि॑यम् । दधा॑ति । यत् ।

द्वाद॒शक॒पाल॒ इति॑ द्वाद॒श – क॒पालः॑ । जग॒त्या । ए॒व । अ॒स्मिन् ।  
प॒शून् । द॒धाति॑ । यस्मिन् । जा॒ते । ए॒ताम् । इष्टि॑म् ।  
निर्व॒पतीति॑ निः – व॒पति॑ । पू॒तः । 25 (50)

#### 2.2.5.4

ए॒व ते॒जस्वी॑न्नाद॒ इन्द्रि॑यावी प॒शुमान्॑ भव॒त्यव॒ वा ए॒ष  
सुव॒र्गाल्लो॒काच्छि॑द्यते यो द॒र्शपूर्ण॑मासयाजी सन्नमावास्यां वा  
पौर्ण॑मासीं वातिपादयति सुव॒र्गाय॒ हि लो॒काय॑ द॒र्शपूर्ण॑मासा  
विज्ये॑ते वैश्वान॒रं द्वाद॒शक॒पालं॑ निर्व॒पेदमावास्यां॑ वा पौर्ण॑मासीं  
वा॒तिपा॑द्य सँव॒त्सरो॒ वा अ॒ग्नि वै॑श्वान॒रः सँव॒त्सरमे॒व प्री॑णात्यथो  
सँव॒त्सरमे॒वास्मा॒ उप॑ द॒धाति॑ सुव॒र्गस्य॑ लो॒कस्य॑ समष्ट्या – [ ] 26

#### 2.2.5.4 - Padam

ए॒व । ते॒जस्वी॑ । अ॒न्नाद॑ इत्यन्न – अ॒दः । इन्द्रि॑यावी ।  
प॒शुमानि॑ति प॒शु – मान् । भव॒ति । अवे॑ति । वै । ए॒षः ।  
सुव॒र्गादि॑ति सुवः – गात् । लो॒कात् । छि॑द्यते । यः ।  
द॒र्शपूर्ण॑मासयाजीति द॒र्शपूर्ण॑मास – या॒जी । सन्न॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

अ॒मा॒वा॒स्या॒मि॒त्य॒मा – वा॒स्याम् । वा । पौ॒र्ण॒मा॒सी॒मि॒ति  
पौ॒र्ण – मा॒सीम् । वा । अ॒ति॒पा॒द॒य॒ती॒त्य॒ति – पा॒द॒य॒ति ।  
सु॒व॒र्गा॒ये॒ति सु॒वः – गा॒य । हि । लो॒का॒य । द॒र्श॒पू॒र्ण॒मा॒सा॒वि॒ति  
द॒र्श – पू॒र्ण॒मा॒सौ । इ॒ज्ये॒ते इति । वै॒श्वान॒रम् ।  
द्वा॒द॒श॒क॒पा॒ल॒मि॒ति द्वा॒द॒श – क॒पा॒लम् । नि॒रि॒ति । व॒पेत् ।  
अ॒मा॒वा॒स्या॒मि॒त्य॒मा – वा॒स्याम् । वा । पौ॒र्ण॒मा॒सी॒मि॒ति  
पौ॒र्ण – मा॒सीम् । वा । अ॒ति॒पा॒द्ये॒त्य॒ति – पा॒द्य । सँ॒व॒त्स॒र इति  
सं – व॒त्स॒रः । वै । अ॒ग्निः । वै॒श्वान॒रः । सँ॒व॒त्स॒र॒मि॒ति  
सं – व॒त्स॒रम् । ए॒व । प्री॒णा॒ति । अ॒थो इति । सँ॒व॒त्स॒र॒मि॒ति  
सं – व॒त्स॒रम् । ए॒व । अ॒स्मै । उ॒पे॒ति । द॒धा॒ति । सु॒व॒र्ग॒स्ये॒ति  
सु॒वः – ग॒स्य । लो॒क॒स्य । स॒म॒ष्ट्या इति सं – अ॒ष्ट्यै । 26 (50)

**2.2.5.5**

अ॒थो दे॒वता॑ ए॒वा॒न्वा॒र॒भ्य॑ सु॒व॒र्गं लो॒क॒मे॒ति वी॒र॒हा वा ए॒ष दे॒वा॒नां  
यो॒ऽग्नि॑-मु॒द्वा॒स॒य॒ते न वा ए॒त॒स्य॑ ब्रा॒ह्म॒णा ऋ॒ता॒य॒वः पु॒राऽन्न॑म॒क्ष॒ना-

पद पाठे (वाक्य सहित) – द्वितीयकाण्डे – द्वितीयः प्रश्नः

ग्ने॒यम॑ष्टा॒कपा॒लं निर्व॑पेद्-वै॒श्वान॑रं द्वा॒दश॑क॒पाल-म॒ग्निमु॑द्वासयिष्यन्  
यद॑ष्टा॒कपालो॑ भवत्य॒ष्टाक्ष॑रा गाय॒त्रीगा॑य॒त्रो ऽग्नि॑र्यावा॒नेवा॑ग्निस्तस्मा॒  
आति॑थ्यं करो॒त्यथो॑ यथा॒ जनं॑ य॒तेऽव॑सं करो॒ति तादृ॑ - [ ] 27

**2.2.5.5 - Padam**

अथो॑ इति॑ । दे॒वताः॑ । ए॒व । अ॒न्वार॑भ्येत्यनु॑ - आ॒रभ्य॑ ।  
सुव॑र्गमिति॑ सुवः॑ - गम् । लो॒कम् । ए॒ति । वी॒रहे॑ति वी॒र-हा॑ । वै ।  
ए॒षः । दे॒वाना॑म् । यः । अ॒ग्निम् । उ॒द्वास॑यत इत्युत् - वा॒सय॑ते । न ।  
वै । ए॒तस्य॑ । ब्रा॒ह्म॒णाः । ऋ॒ताय॑व इत्युत् - यवः॑ । पु॒रा । अ॒न्नम् ।  
अ॒क्षन् । आ॒ग्नेय॑म् । अ॒ष्टाक॑पालमित्य॒ष्टा - क॒पालम् । नि॒रिति॑ ।  
व॒पेत् । वै॒श्वान॑रम् । द्वा॒दश॑क॒पालमि॑ति द्वा॒दश-क॒पालम् । अ॒ग्निम् ।  
उ॒द्वास॑यिष्यन्नित्युत् - वा॒सयि॑ष्यन् । यत् । अ॒ष्टाक॑पाल  
इत्य॒ष्टा - क॒पालः । भव॑ति । अ॒ष्टाक्ष॑रेत्य॒ष्टा - अ॒क्षरा॑ ।  
गा॒य॒त्री । गा॒य॒त्रः । अ॒ग्निः । या॒वान् । ए॒व । अ॒ग्निः । तस्मै॑ ।  
आ॒ति॒थ्यम् । करो॒ति । अथो॑ इति॑ । यथा॑ । ज॒नम् । य॒ते । अ॒वस॑म् ।

करोति । तादृक् । 27 (50)

### 2.2.5.6

–गे॒व तद्–द्वा॒दश॑क॒पालो॑ वै॒श्वान॑रो भवति द्वा॒दश॑ मा॒साः सँ॒व॒थ्स॑रः  
सँ॒व॒थ्स॑रः ख॒लु वा अ॒ग्ने॒र्यो॒निः स्वा॒मे॒वैनं॑ यो॒निं ग॒मय॑–त्या॒द्य॒म॒स्यान्नं॑  
भवति वै॒श्वान॑रं द्वा॒दश॑क॒पालं॑ निर्व॒पेन्मा॒रुत॑ꣳ स॒प्तक॑पालं ग्राम॒काम॑  
आ॒ह॒व॒नीये॑ वै॒श्वान॑रम॒धि श्र॑यति गा॒र्ह॒प॒त्ये मा॒रुतं॑ पा॒प॒व॒स्य॒स॒स्य  
वि॒धृत्यै॑ द्वा॒दश॑क॒पालो॑ वै॒श्वान॑रो भवति द्वा॒दश॑ मा॒साः सँ॒व॒थ्स॑रः  
सँ॒व॒थ्स॑रेणै॒वास्मै॑ स॒जा॒ताꣳश्र॑यावयति मा॒रुतो॑ भवति – [ ] 28

### 2.2.5.6 - Padam

ए॒व । तत् । द्वा॒दश॑क॒पाल॑ इति द्वा॒दश॑ – क॒पालः । वै॒श्वान॑रः ।  
भवति । द्वा॒दश॑ । मा॒साः । सँ॒व॒थ्स॑र इति सं – व॒थ्स॑रः ।  
सँ॒व॒थ्स॑र इति सं – व॒थ्स॑रः । ख॒लु । वै । अ॒ग्नेः । यो॒निः ।  
स्वा॒म् । ए॒व । ए॒नम् । यो॒निम् । ग॒म॒य॒ति । आ॒द्य॒म् । अ॒स्य॒ ।  
अ॒न्नम् । भ॒व॒ति । वै॒श्वान॑रम् । द्वा॒दश॑क॒पाल॑मि॒ति  
द्वा॒दश॑ – क॒पाल॑म् । नि॒रि॒ति । व॒पेत् । मा॒रु॒तम् । स॒प्तक॑पालमि॒ति

सप्त – कपालम् । ग्रामकाम इति ग्राम – कामः । आहवनीय  
 इत्या – हवनीये । वैश्वानरम् । अधीति । श्रयति । गार्हपत्य इति  
 गार्ह – पत्ये । मारुतम् । पापवस्यसस्येति पाप – वस्यसस्य ।  
 विधृत्या इति वि – धृत्यै । द्वादशकपाल इति द्वादश – कपालः ।  
 वैश्वानरः । भवति । द्वादश । मासाः । सँवत्सर इति सं – वत्सरः ।  
 सँवत्सरेणेति सं – वत्सरेण । एव । अस्मै । सजातानिति  
 स – जातान् । च्यावयति । मारुतः । भवति । 28 (50)

### 2.2.5.7

मरुतो वै देवानां विशो देवविशेनैवास्मै मनुष्य विशमव रुन्धे  
 सप्तकपालो भवति सप्त गणा वै मरुतो गणश एवास्मै सजातानव  
 रुन्धे ऽनूच्यमान आ सादयति विशमेवास्मा अनुवर्त्मानं करोति । 29

### 2.2.5.7 - Padam

मरुतः । वै । देवानाम् । विशः । देवविशेनेति देव – विशेन । एव ।  
 अस्मै । मनुष्यविशमिति मनुष्य – विशम् । अवेति । रुन्धे ।

सप्तकपाल इति सप्त – कपालः । भवति । सप्तगणा इति  
 सप्त – गणाः । वै । मरुतः । गणश इति गण-शः । एव । अस्मै ।  
 सजातानिति स – जातान् । अवेति । रुन्धे । अनूच्यमान  
 इत्यनु – उच्यमाने । एति । सादयति । विशम् । एव । अस्मै ।  
 अनुवर्त्मानमित्यनु – वर्त्मानम् । करोति । 29 (29)

(प्रजाकामः सँवथ्सरः – पुनात्येवैनं – पूतः – समष्ट्यै –  
 तादृङ् – मारुतो भव – त्येकान्न त्रिंशच्च । ) (A5)

### 2.2.6.1

आदित्यं चरुं निर्वपेथ् संग्राम-मुपप्रयास्यन्नियं वा अदितिरस्यामेव  
 पूर्वे प्रतितिष्ठन्ति वैश्वानरं द्वादशकपालं निर्वपेदायतनं गत्वासँवथ्सरो  
 वा अग्निं वैश्वानरः सँवथ्सरः खलु वै देवाना-मायतनमेतस्माद्वा  
 आयतनाद्-देवा असुरानजयन् यद्-वैश्वानरं द्वादशकपालं निर्वपति  
 देवानामेवायतने यतते जयति तं संग्राममेतस्मिन् वा  
 एतौ मृजाते – [ ] 30



**2.2.6.1 - Padam**

आ॒दि॒त्यम् । च॒रुम् । नि॒रि॒ति॑ । व॒पे॒त् । सं॒ग्रा॒ममि॒ति॑ सं – ग्रा॒मम् ।  
उ॒प॒प्र॒या॒स्यन्नि॒त्युप॑ – प्र॒या॒स्यन् । इ॒यम् । वै । अ॒दि॒तिः । अ॒स्याम् ।  
ए॒व । पूर्वे॑ । प्र॒ती॒ति॑ । ति॒ष्ठन्ति॑ । वै॒श्वा॒नर॒म् । द्वा॒द॒श॒क॒पा॒लमि॒ति॑  
द्वा॒द॒श – क॒पा॒लम् । नि॒रि॒ति॑ । व॒पे॒त् । आ॒य॒त॒नमि॒त्या॑ – य॒त॒नम् ।  
ग॒त्वा । सँ॒व॒थ्स॒र इति॑ सं – व॒थ्स॒रः । वै । अ॒ग्निः । वै॒श्वा॒नरः ।  
सँ॒व॒थ्स॒र इति॑ सं – व॒थ्स॒रः । ख॒लु । वै । दे॒वा॒नाम् ।  
आ॒य॒त॒नमि॒त्या॑ – य॒त॒नम् । ए॒तस्मा॑त् । वै । आ॒य॒त॒नादि॒त्या॑ – य॒त॒नात् ।  
दे॒वाः । अ॒सु॒रान् । अ॒ज॒यन् । यत् । वै॒श्वा॒नर॒म् । द्वा॒द॒श॒क॒पा॒लमि॒ति॑  
द्वा॒द॒श – क॒पा॒लम् । नि॒र्व॒प॒ती॒ति॑ निः – व॒प॒ति॑ । दे॒वा॒नाम् । ए॒व ।  
आ॒य॒त॒न इ॒त्या॑ – य॒त॒ने । य॒त॒ते । ज॒य॒ति॑ । तम् । सं॒ग्रा॒ममि॒ति॑  
सं – ग्रा॒मम् । ए॒तस्मि॑न् । वै । ए॒तौ । मृ॒जा॒ते इति॑ । 30 (50)

**2.2.6.2**

यो वि॒द्वि॒षा॒णयो॒रन्न॑म॒त्ति॑ वै॒श्वा॒नरं॑ द्वा॒द॒श॒क॒पा॒लं नि॒र्व॒पे॒द् – वि॒द्वि॒षा॒णयो॒रन्नं॑  
ज॒ग्ध्वा सँ॒व॒थ्स॒रो वा अ॒ग्नि॑ – वै॒श्वा॒नरः॑ सँ॒व॒थ्स॒र स्व॑दि॒तमे॒वा॒त्ति॑

नास्मिन् मृजाते सँवथ्सराय वा एतौ सममाते यौ सममाते तयोर्यः  
 पूर्वोऽभिद्रुह्यति तं वरुणो गृह्णाति वैश्वानरं द्वादशकपालं निर्वपेथ्  
 सममानयोः पूर्वोऽभिद्रुह्य सँवथ्सरो वा अग्निर्वैश्वानरः  
 सँवथ्सरमेवाऽऽप्त्वा निर्वरुणं – [ ] 31

### 2.2.6.2 - Padam

यः । विद्विषाणयोरिति वि-द्विषाणयोः । अन्नम् । अत्ति । वैश्वानरम् ।  
 द्वादशकपालमिति द्वादश – कपालम् । निरिति । वपेत् ।  
 विद्विषाणयोरिति वि – द्विषाणयोः । अन्नम् । जग्ध्वा ।  
 सँवथ्सर इति सं – वथ्सरः । वै । अग्निः । वैश्वानरः ।  
 सँवथ्सरस्वदितमिति सँवथ्सर – स्वदितम् । एव । अत्ति ।  
 न । अस्मिन् । मृजाते इति । सँवथ्सरायेति सं – वथ्सराय ।  
 वै । एतौ । समिति । अमाते इति । यौ । सममाते इति सं-अमाते ।  
 तयोः । यः । पूर्वः । अभिद्रुह्यतीत्यभि – द्रुह्यति । तम् । वरुणः ।  
 गृह्णाति । वैश्वानरम् । द्वादशकपालमिति द्वादश – कपालम् ।

निरिति॑ । व॒पेत् । स॒म॒मा॒नयो॒रिति॑ सं – अ॒मा॒नयोः॑ । पूर्॒वः ।  
अ॒भि॒द्रु॒ह्येत्य॑भि – द्रु॒ह्य । सँ॒व॒थ्स॒र इति॑ सं – व॒थ्स॒रः । वै ।  
अ॒ग्निः । वै॒श्वा॒नरः॑ । सँ॒व॒थ्स॒रमि॑ति सं – व॒थ्स॒रम् । ए॒व ।  
आ॒प्त्वा । नि॒र्व॒रु॒णमि॑ति निः – व॒रु॒णम् । 31 (50)

### 2.2.6.3

पर॒स्ता॒दभि॑ द्रु॒ह्यति॑ नैनं॑ वँ॒रु॒णो गृ॒ह्णा॒त्यायं॑ वँ॒वा ए॒ष प्र॒ति गृ॒ह्णा॒ति  
योऽविं॑ प्र॒तिगृ॒ह्णा॒ति वै॒श्वा॒नरं॑ द्वा॒द॒श॒क॒पा॒लं नि॒र्व॒पे॒दविं॑ प्र॒तिगृ॒ह्ण  
सँ॒व॒थ्स॒रो वा अ॒ग्निर्वै॑श्वा॒नरः॑ सँ॒व॒थ्स॒र-स्व॑दि॒तामे॒व प्र॒तिगृ॒ह्णा॒ति  
नाऽऽ॒व्यं प्र॒तिगृ॒ह्णा॒त्या॒त्मनो॑ वा ए॒ष मा॒त्रा॒मा॒प्नो॑ति य उ॒भया॑दत्  
प्र॒तिगृ॒ह्णा॒त्यश्च॑ वँ॒वा पु॒रु॒षं वँ॒वा वै॒श्वा॒नरं॑ द्वा॒द॒श॒क॒पा॒लं  
नि॒र्व॒पे॒दु॒भया॑दत् – [ ] 32

### 2.2.6.3 - Padam

पर॒स्ता॒त् । अ॒भी॒ति॑ । द्रु॒ह्य॒ति॑ । न । ए॒नम् । व॒रु॒णः । गृ॒ह्णा॒ति॑ ।  
आ॒व्य॑म् । वै । ए॒षः । प्र॒ती॒ति॑ । गृ॒ह्णा॒ति॑ । यः । अ॒वि॑म् ।  
प्र॒तिगृ॒ह्णा॒तीति॑ प्र॒ति – गृ॒ह्णा॒ति॑ । वै॒श्वा॒नर॑म् । द्वा॒द॒श॒क॒पा॒लमि॑ति

द्वाद॑श – क॒पा॒ल॒म् । नि॒रि॒ति॒ । व॒पे॒त् । अ॒वि॒म् । प्र॒ति॒गृ॒ह्ये॒ति॒  
 प्र॒ति॒ – गृ॒ह्य॑ । सँ॒व॒थ्स॒र इति॑ सं – व॒थ्स॒रः । वै । अ॒ग्निः॑ ।  
 वै॒श्वान॑रः । सँ॒व॒थ्स॒रस्व॑दितामिति सँ॒व॒थ्स॒र – स्व॑दिताम् । ए॒व ।  
 प्र॒ती॒ति॒ । गृ॒ह्णा॒ति॒ । न । आ॒व्य॒म् । प्र॒ती॒ति॒ । गृ॒ह्णा॒ति॒ । आ॒त्म॒नः॑ ।  
 वै । ए॒षः । मा॒त्रा॒म् । आ॒प्नो॒ति॒ । यः । उ॒भ॒या॒दत् ।  
 प्र॒ति॒गृ॒ह्णा॒ती॒ति॒ प्र॒ति॒ – गृ॒ह्णा॒ति॒ । अ॒श्व॒म् । वा । पु॒रु॒ष॒म् । वा ।  
 वै॒श्वान॑रम् । द्वा॒द॒श॒क॒पा॒ल॒मि॒ति॒ द्वा॒द॒श – क॒पा॒ल॒म् । नि॒रि॒ति॒ ।  
 व॒पे॒त् । उ॒भ॒या॒दत् । 32 (50)

#### 2.2.6.4

प्र॒ति॒गृ॒ह्य॑ सं॒व॒थ्स॒रो वा अ॒ग्नि॒र्वै॒श्वान॑रः सँ॒व॒थ्स॒र-स्व॑दि॒तमे॒व  
 प्र॒ति॒ गृ॒ह्णा॒ति॒ ना॒त्म॒नो॒ मा॒त्रा॒मा॒प्नो॒ति॒ वै॒श्वान॑रं द्वा॒द॒श॒क॒पा॒लं नि॒र्व॒पे॒थ्-  
 स॒नि॒मेष्य॑न्थ्-सँ॒व॒थ्स॒रो वा अ॒ग्नि॒र्वै॒श्वान॑रो य॒दा ख॒लु वै सँ॒व॒थ्स॒रं  
 ज॒न॒ता॒यां च॒र॒त्य॒थ स॒ ध॒नार्घो॑ भ॒व॒ति॒यद्-वै॒श्वान॑रं द्वा॒द॒श॒क॒पा॒लं  
 नि॒र्व॒प॒ति॒ सँ॒व॒थ्स॒र-सा॒ता॒मे॒व स॒नि॒म॒भि॒ प्र॒च्य॑व॒ते दान॑कामा अ॒स्मै

प्र॒जा भव॑न्ति यो वै सँ॒व॒थ्स॒रं – [ ] 33

**2.2.6.4 - Padam**

प्र॒ति॒गृ॒ह्येति॑ प्र॒ति – गृ॒ह्य । सँ॒व॒थ्स॒र इति॑ सं – व॒थ्स॒रः ।  
वै । अ॒ग्निः । वै॒श्वान॑रः । सँ॒व॒थ्स॒रस्व॑दि॒तमि॑ति  
सँ॒व॒थ्स॒र – स्व॑दि॒तम् । ए॒व । प्र॒तीति॑ । गृ॒ह्णा॒ति । न । आ॒त्म॒नः ।  
मा॒त्राम् । आ॒प्नो॑ति । वै॒श्वान॑रम् ।  
द्वा॒द॒श॒क॒पा॒लमि॑ति द्वा॒द॒श – क॒पा॒लम् । नि॒रि॒ति । व॒पेत् । स॒निम् ।  
ए॒ष्यन् । सँ॒व॒थ्स॒र इति॑ सं – व॒थ्स॒रः । वै । अ॒ग्निः । वै॒श्वान॑रः ।  
य॒दा । ख॒लु । वै । सँ॒व॒थ्स॒रमि॑ति सं – व॒थ्स॒रम् । ज॒न॒ता॒याम् ।  
च॒र॒ति । अ॒थ । सः । ध॒नार्घ॑ इति॑ ध॒न – अ॒र्घः । भ॒व॒ति । यत् ।  
वै॒श्वान॑रम् । द्वा॒द॒श॒क॒पा॒लमि॑ति द्वा॒द॒श – क॒पा॒लम् ।  
नि॒र्व॒प॒तीति॑ निः – व॒प॒ति । सँ॒व॒थ्स॒रसा॑तामि॒ति सँ॒व॒थ्स॒र-सा॑ताम् ।  
ए॒व । स॒निम् । अ॒भि । प्रे॑ति । च्य॒व॒ते । दा॒न॒का॒मा इति॑  
दा॒न – का॒माः । अ॒स्मै । प्र॒जा इति॑ प्र – जाः । भ॒व॒न्ति । यः । वै ।

सँव॒थ्स॒रमि॑ति सं – व॒थ्स॒रम् । 33 (50)

### **2.2.6.5**

प्र॒यु॒ज्य न॑ वि॒मु॒ञ्च॒त्य॒प्रति॑ष्ठानो॒ वै स॑ भ॒वत्ये॒तमे॒व वै॑श्वा॒नरं॑ पुन॒रा॒ग॒त्य॒  
निर्व॑पे॒द्यमे॒व प्र॒यु॒ङ्क्ते॑ तं भा॒ग॒धे॒येन॑ वि॒मु॒ञ्च॒ति प्र॑ति॒ष्ठित्यै॑ यया॒  
रज्ज्वो॑त्त॒मां गा॒मा॒जेत् तां॑ भ्रातृ॒व्याय॑ प्र हि॒णु॒या॒न्निर्ऋ॑तिमे॒वास्मै॑  
प्रहि॑णोति । 34

### **2.2.6.5 - Padam**

प्र॒यु॒ज्येति॑ प्र – यु॒ज्य । न । वि॒मु॒ञ्च॒तीति॑ वि – मु॒ञ्च॒ति ।  
अ॒प्रति॑ष्ठान इत्य॒प्रति – स्थानः॑ । वै । सः । भ॒व॒ति । ए॒तम् ।  
ए॒व । वै॒श्वा॒नरम् । पुनः॑ । आ॒ग॒त्येत्या॑ – ग॒त्य । नि॒रि॒ति । व॒पेत् ।  
यम् । ए॒व । प्र॒यु॒ङ्क्ते इति॑ प्र – यु॒ङ्क्ते । तम् ।  
भा॒ग॒धे॒येनेति॑ भा॒ग – धे॒येन॑ । वी॒ति । मु॒ञ्च॒ति ।  
प्रति॑ष्ठित्या इति॒ प्रति – स्थि॒त्यै । यया॑ । रज्ज्वा॑ ।  
उ॒त्त॒मा॒मित्यु॑त् – त॒मा॒म् । गा॒म् । आ॒जे॒दित्या॑ – अ॒जे॒त् । ता॒म् ।  
भ्रातृ॒व्याय॑ । प्रेति॑ । हि॒णु॒यात् । निर्ऋ॑तिमि॒ति निः – ऋ॒तिम् । ए॒व ।

अ॒स्मै । प्रेति॑ । हि॒णोति॑ । 34 (36)

(मृ॒जाते॑ – निर्व॑रुणं – व॑पेदु॒भयाद॑द् – यो॒ वै स॑वँ॒थसर॑ –  
षट्त्रिं॑शच्च ) (A6)

### 2.2.7.1

ऐ॒न्द्रं च॒रु निर्व॑पेत् प॒शुकाम॑ ऐ॒न्द्रा वै प॒शव॑ इ॒न्द्रमे॒व स्वेन॑  
भा॒गधे॒येनो॑प॒ धाव॑ति स ए॒वास्मै॑ प॒शून् प्र॑यच्छति प॒शुमा॑ने॒व भ॑वति  
च॒रुर्भ॑वति स्वा॒दे॒वास्मै॑ यो॒नैः प॒शून् प्र॑ज॒नय॑तीन्द्रा॒येन्द्रि॑यावते  
पु॒रोडा॑शमे॒काद॑शकपालं निर्व॑पेत् प॒शुकाम॑ इन्द्रि॒यं वै प॒शव॑  
इ॒न्द्रमे॒वेन्द्रि॑यावन्त॒ स्वेन॑ भा॒गधे॒येनो॑प॒ धाव॑ति स – [ ] 35

### 2.2.7.1 - Padam

ऐ॒न्द्रम् । च॒रुम् । निरि॑ति । व॒पेत् । प॒शुकाम॑ इति॑ प॒शु – का॒मः ।  
ऐ॒न्द्राः । वै । प॒शवः॑ । इ॒न्द्रम् । ए॒व । स्वे॒न ।  
भा॒गधे॒येनेति॑ भा॒ग – धे॒येन॑ । उ॒पेति॑ । धा॒वति॑ । सः । ए॒व ।  
अ॒स्मै । प॒शून् । प्रेति॑ । य॒च्छति॑ । प॒शुमा॑निति॑ प॒शु – मा॒न् । ए॒व ।  
भ॑वति । च॒रुः । भ॑वति । स्वा॒त् । ए॒व । अ॒स्मै । यो॒नैः॑ । प॒शून् ।

प्रेति । जनयति । इन्द्राय । इन्द्रियावत इतीन्द्रिय – वते ।  
 पुरोडाशम् । एकादशकपालमित्येकादश – कपालम् । निरिति ।  
 वपेत् । पशुकाम इति पशु – कामः । इन्द्रियम् । वै । पशवः ।  
 इन्द्रम् । एव । इन्द्रियावन्तमितीन्द्रिय – वन्तम् । स्वेन ।  
 भागधेयेनेति भाग – धेयेन । उपेति । धावति । सः । 35 (50)

### 2.2.7.2

एवास्मा इन्द्रियं पशून् प्रयच्छति पशुमानेव भवतीन्द्राय-धर्मवते  
 पुरोडाशमेकादशकपालं निर्वपेद्-ब्रह्मवर्चसकामो ब्रह्मवर्चसं वै धर्म  
 इन्द्रमेव धर्मवन्तः स्वेन भागधेयेनोप धावति स एवास्मिन्  
 ब्रह्मवर्चसं दधाति ब्रह्मवर्चस्येव भवतीन्द्रायार्कवते  
 पुरोडाशमेकादशकपालं निर्वपेदन्नकामोऽर्को वै  
 देवानामन्नमिन्द्रमेवार्कवन्तः स्वेन भागधेयेनो – [ ] 36

### 2.2.7.2 - Padam

एव । अस्मै । इन्द्रियम् । पशून् । प्रेति । यच्छति ।  
 पशुमानिति पशु – मान् । एव । भवति । इन्द्राय ।



घ॒र्म॒व॒त॒ इति॑ घ॒र्म – व॒ते । पु॒रो॒डा॒शम् ॥

एका॑द॒श॒क॒पा॒ल॒मि॒त्ये॒का॑द॒श – क॒पा॒लम् । नि॒रि॒ति॑ । व॒पेत् ।

ब्र॒ह्म॒व॒र्च॒स॒का॒म॒ इति॑ ब्र॒ह्म॒व॒र्च॒स – का॒मः ।

ब्र॒ह्म॒व॒र्च॒स॒मि॒ति॑ ब्र॒ह्म – व॒र्च॒सम् । वै । घ॒र्मः । इन्द्र॑म् ॥

ए॒व । घ॒र्म॒व॒न्त॒मि॒ति॑ घ॒र्म – व॒न्तम् । स्वे॒न ।

भा॒ग॒धे॒ये॒ने॒ति॑ भा॒ग – धे॒ये॒न । उ॒पे॒ति॑ । धा॒व॒ति॑ । सः ।

ए॒व । अ॒स्मि॒न् । ब्र॒ह्म॒व॒र्च॒स॒मि॒ति॑ ब्र॒ह्म – व॒र्च॒सम् ।

द॒धा॒ति॑ । ब्र॒ह्म॒व॒र्च॒सी॒ति॑ ब्र॒ह्म – व॒र्च॒सी । ए॒व ।

भ॒व॒ति॑ । इन्द्रा॑य । अ॒र्क॒व॒त॒ इत्य॑र्क – व॒ते । पु॒रो॒डा॒शम् ॥

एका॑द॒श॒क॒पा॒ल॒मि॒त्ये॒का॑द॒श – क॒पा॒लम् । नि॒रि॒ति॑ । व॒पेत् ।

अ॒न्न॒का॒म॒ इत्य॑न्न – का॒मः । अ॒र्कः । वै । दे॒वा॒ना॒म् । अ॒न्नम् ॥

इन्द्र॑म् । ए॒व । अ॒र्क॒व॒न्त॒मि॒त्य॑र्क – व॒न्तम् । स्वे॒न ।

भा॒ग॒धे॒ये॒ने॒ति॑ भा॒ग – धे॒ये॒न । 36 (50)

**2.2.7.3**

–प॒ धा॒वति॑ स॒ ए॒वा॒स्मा॒ अन्नं॑ प्र॒यच्छ॑त्यन्नाद॒ ए॒व भ॑वतीन्द्रा॒य घ॑र्मव॒ते  
पु॒रो॒डा॒श॒मे॒का॒द॒श॒क॒पा॒लं॑ निर्व॒पेदिन्द्रा॑ये–न्द्रि॒या॒व॒त इन्द्रा॑याऽर्क॒व॒ते  
भू॒ति॒का॒मो॒ य॒दिन्द्रा॑य॒ घ॑र्मव॒ते निर्व॑पति॒ शिर॑ ए॒वा॒स्य ते॒न क॑रोति  
य॒दिन्द्रा॑येन्द्रि॒या॒व॒त आ॒त्मा॒न॒मे॒वा॒स्य ते॒न क॑रोति॒ य॒दिन्द्रा॑याऽर्क॒व॒ते भू॒त  
ए॒वा॒न्नाद्ये॑ प्र॒ति॒तिष्ठ॑ति॒ भ॒व॒त्ये॒वेन्द्रा॑या – [ ] 37

**2.2.7.3 - Padam**

उ॒पेति॑ । धा॒व॒ति । सः । ए॒व । अ॒स्मै । अ॒न्नम् । प्रेति॑ । यच्छ॑ति ।  
अ॒न्ना॒द इ॒त्य॒न्न – अ॒दः । ए॒व । भ॒व॒ति । इन्द्रा॑य । घ॑र्मव॒त इति॑  
घ॑र्म – व॒ते । पु॒रो॒डा॒शम् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒लम् ।  
नि॒रि॒ति । व॒पेत् । इन्द्रा॑य । इन्द्रि॒या॒व॒त इतीन्द्रि॑य – व॒ते । इन्द्रा॑य ।  
अ॒र्क॒व॒त इ॒त्य॒र्क – व॒ते । भू॒ति॒का॒म इति॑ भू॒ति – का॒मः । यत् ।  
इन्द्रा॑य । घ॑र्मव॒त इति॑ घ॑र्म – व॒ते । निर्व॑पतीति॒ निः–व॑पति । शि॒रः ।  
ए॒व । अ॒स्य । ते॒न । क॑रोति । यत् । इन्द्रा॑य । इन्द्रि॒या॒व॒त  
इतीन्द्रि॑य – व॒ते । आ॒त्मा॒न॒म् । ए॒व । अ॒स्य । ते॒न । क॑रोति । यत् ।

इन्द्राय । अ॒र्कव॑त इत्य॒र्क – व॒ते । भू॒तः । ए॒व । अ॒न्नाद्य॑  
इत्य॒न्न – अ॒द्ये ॥ प्र॒तीति॑ । ति॒ष्ठति॑ । भव॑ति । ए॒व । इन्द्राय॑ । 37 (50)

#### 2.2.7.4

–ऽ॒हो॒मु॒चे॑ पु॒रो॒डा॒शमे॑कादशकपालं निर्व॑पेद्यः पा॒प्मना॑ गृहीतः स्यात्  
पा॒प्मा वा अ॒ह इन्द्र॑मेवाऽ॒हो॒मु॒चः॑ स्वेन॑ भा॒गधे॑येनोप॑ धावति॒ स  
ए॒वैनं॑ पा॒प्मनो॑ऽ॒हसो॑ मुञ्च॑तीन्द्राय॑ वैमृ॒धाय॑ पु॒रो॒डा॒शमे॑कादशकपालं  
निर्व॑पेद्यं मृ॒धोऽभि॑ प्रवे॑पेरन्-रा॒ष्ट्राणि॑ वाऽभि॑ समि॒युरिन्द्र॑मेव॒ वैमृ॒धः॑  
स्वेन॑ भा॒गधे॑येनोप॑ धावति॒ स ए॒वास्मान्मृ॒धो – [ ] 38

#### 2.2.7.4 - Padam

अ॒हो॒मु॒च इत्य॒हः – मु॒चे॑ । पु॒रो॒डा॒शम् ।  
एका॑दशकपालमित्येकादश – क॒पालम् । निरि॑ति । व॒पेत् । यः ।  
पा॒प्मना॑ । गृही॑तः । स्यात् । पा॒प्मा । वै । अ॒हः । इन्द्र॑म् । ए॒व ।  
अ॒हो॒मु॒चमित्य॒हः – मु॒चम् । स्वेन॑ । भा॒गधे॑येनेति॑ भा॒ग-धे॑येन ।  
उ॒पेति॑ । धा॒वति॑ । सः । ए॒व । ए॒नम् । पा॒प्मनः॑ । अ॒हसः॑ ।  
मुञ्च॑ति । इन्द्राय॑ । वैमृ॒धाय॑ । पु॒रो॒डा॒शम् ।

एकादशकपालमित्येकादश – कपालम् ।

निरिति । वपेत् । यम् । मृधः । अभीति । प्रवेपेरन्निति प्र – वेपेरन् ।

राष्ट्राणि । वा । अभीति । समियुरिति सं – ईयुः । इन्द्रम् । एव ।

वैमृधम् । स्वेन । भागधेयेनेति भाग – धेयेन । उपेति । धावति ।

सः । एव । अस्मात् । मृधः । 38 (50)

### 2.2.7.5

ऽप हन्तीन्द्राय त्रात्रे पुरोडाशमेकादशकपालं निर्वपेद्-बद्धो वा  
परियत्तो वेन्द्रमेव त्रातारः स्वेन भागधेयेनोप धावति स एवैनं त्रायत  
इन्द्रायार्काश्वमेधवते पुरोडाशमेकादशकपालं निर्वपेद्यं महायज्ञो  
नोपनमेदेते वै महायज्ञस्यान्त्ये तनू यदर्काश्वमेधाविन्द्रमेवार्काश्वमेध-  
वन्तः स्वेन भागधेयेनोप धावति स एवास्मा ( ) अन्ततो महायज्ञं  
च्यावयत्युपैनं महायज्ञो नमति । 39

### 2.2.7.5 - Padam

अपेति । हन्ति । इन्द्राय । त्रात्रे । पुरोडाशम् ।

एकादशकपालमित्येकादश – कपालम् । निरिति । वपेत् । बद्धः ।

पद पाठे (वाक्य सहित) – द्वितीयकाण्डे – द्वितीयः प्रश्नः

वा । परि॑यत्त॒ इति॑ परि॑ – यत्तः॑ । वा । इन्द्र॑म् । ए॒व । त्रा॒तार॑म् ।  
स्वे॑न । भा॒गधे॑ये॒नेति॑ भा॒ग – धे॑ये॒न । उ॒पेति॑ । धा॒वति॑ । सः ।  
ए॒व । ए॒नम् । त्रा॒यते॑ । इन्द्रा॑य । अ॒र्काश्व॑मे॒धव॑त॒ इत्य॑र्काश्वमे॒ध-व॑ते ।  
पु॒रोडा॑शम् । ए॒काद॑शक॒पाल॑मित्ये॒काद॑श – क॒पाल॑म् । नि॒रिति॑ ।  
व॒पेत् । यम् । म॒हाय॑ज्ञ इति॑ म॒हा – य॑ज्ञः । न ।  
उ॒पन॑मे॒दित्यु॑प – न॒मेत् । ए॒ते इति॑ । वै । म॒हाय॑ज्ञस्येति॑  
म॒हा – य॑ज्ञस्य । अ॒न्त्ये इति॑ । त॒नू इति॑ । यत् ।  
अ॒र्काश्व॑मे॒धावि॑त्य॒र्क – अ॒श्वमे॑धौ । इन्द्र॑म् । ए॒व ।  
अ॒र्काश्व॑मे॒धव॑न्त॒मित्य॑र्काश्वमे॒ध – व॑न्तम् ।  
स्वे॑न । भा॒गधे॑ये॒नेति॑ भा॒ग – धे॑ये॒न । उ॒पेति॑ । धा॒वति॑ । सः ।  
ए॒व । अ॒स्मै ( ) । अ॒न्ततः॑ । म॒हाय॑ज्ञमिति॑ म॒हा – य॑ज्ञम् ।  
च्चा॒वय॑ति । उ॒पेति॑ । ए॒नम् । म॒हाय॑ज्ञ इति॑ म॒हा – य॑ज्ञः ।  
न॒मति॑ । 39 (57) (इन्द्रि॑याव॒न्तः स्वे॑न॒ भा॒गधे॑ये॒नोप॑ धा॒वति॑ सौ॑ –  
ऽर्क॑व॒न्तः स्वे॑न॒ भा॒गधे॑ये॒नै – वेन्द्रा॑या – स्मा॒न् मृ॒धौ – ऽस्मै॑ –

सप्त च । ) (A7)

**2.2.8.1**

इन्द्रा॒यान्वृ॑जवे॒ पुरो॑डाशमे॒काद॑शकपालं॒ निर्व॑पेद् ग्राम॒काम॑  
इन्द्र॑मे॒वान्वृ॑जु॒ऽस्वेन॑ भा॒गधे॑येनोप॒ धाव॑ति स ए॒वास्मै॑  
सजा॑ताननु॒कान् करो॑ति ग्राम्ये॒व भव॑तीन्द्रा॒ण्यै चरुं॑ निर्व॑पेद्यस्य  
सेना॑ऽस॒ऽशिते॑व स्यादिन्द्रा॒णी वै सेना॑यै दे॒वतेन्द्रा॒णीमे॒व स्वेन॑  
भा॒गधे॑येनोप॒ धाव॑ति सै॒वास्य॑ सेना॒ऽस॒ऽश्यति॑

बल्ब॒जानपी॑-[ ] 40

**2.2.8.1 - Padam**

इन्द्रा॒य । अन्वृ॑जव इत्यनु॒ - ऋ॒जवे॑ । पुरो॑डाशम् ।  
एका॑दशकपालमित्ये॒काद॑श - क॒पालम् । निरि॑ति । व॒पेत् ।  
ग्राम॒काम॑ इति॒ ग्राम॑ - का॒मः । इन्द्र॑म् । ए॒व ।  
अन्वृ॑जुमित्यनु॒-ऋ॒जुम् । स्वेन॑ । भा॒गधे॑येनेति॒ भाग॑-धे॒येन॑ । उपे॑ति ।  
धाव॑ति । सः । ए॒व । अ॒स्मै । सजा॑तानिति॒ स - जा॒तान् ।  
अनु॑का॒नित्यनु॑ - का॒न् । करो॑ति । ग्रामि॑ । ए॒व । भव॑ति । इन्द्रा॒ण्यै ।

पद पाठे (वाक्य सहित) – द्वितीयकाण्डे – द्वितीयः प्रश्नः

च॒रुम् । नि॒रि॒ति॒ । व॒पे॒त् । य॒स्य॒ । से॒ना॒ । अ॒स॒श्चि॒ते॒त्यसं॑ – शि॒ता॒ ।  
इ॒व । स्या॒त् । इ॒न्द्रा॒णी॒ । वै॒ । से॒ना॒यै॒ । दे॒वता॑ । इ॒न्द्रा॒णी॒म् । ए॒व ।  
स्वे॒न॒ । भा॒ग॒धे॒ये॒ने॒ति॒ भा॒ग॒ – धे॒ये॒न॒ । उ॒पे॒ति॒ । धा॒व॒ति॒ । सा॒ । ए॒व ।  
अ॒स्य॒ । से॒ना॒म् । स॒मि॒ति॒ । ज॒य॒ति॒ । ब॒ल्व॒जा॒न् । अ॒पी॒ति॒ । 40 (50)

**2.2.8.2**

–ध्मे सं नहो॒द्-गौ॑-र्यत्राधि॒ष्क॒न्नान्य॑मे॒हत्॑ ततो॒ ब॒ल्व॒जा॒ उ॒द॒ति॒ष्ठन्  
ग॒वा॒मे॒वैनं॑ न्या॒य॒म॒पि॒नी॒य॒ गा॒ वे॒द॒य॒ती॒न्द्रा॒य॒ म॒न्यु॒म॒ते॒ म॒न॒स्व॒ते  
पु॒रो॒डा॒श॒मे॒का॒द॒श॒क॒पा॒लं॑ निर्व॒पे॒थ् स॒ग्रा॒मे॒ सँ॒य॒त्ते॒ इ॒न्द्रि॒ये॒ण॒ वै  
म॒न्यु॒ना॒ म॒न॒सा॒ स॒ग्रा॒मं॑ ज॒य॒ती॒न्द्र॒मे॒व॒ म॒न्यु॒म॒न्तं॑ म॒न॒स्व॒न्त॑ स्वे॒न॒  
भा॒ग॒धे॒ये॒नो॒प॒ धा॒व॒ति॒ स॒ ए॒वा॒स्मि॒न्नि॒न्द्रि॒यं॑ म॒न्युं॑ म॒नो॑ द॒धा॒ति॒  
ज॒य॒ति॒ त॒ – [ ] 41

**2.2.8.2 - Padam**

इ॒ध्मे॒ । स॒मि॒ति॒ । न॒हो॒त् । गौः॑ । य॒त्र॒ । अ॒धि॒ष्क॒न्ने॒त्यधि॑ – स्क्॒न्ना॒ ।  
न्य॑मे॒ह॒दि॒ति॒ नि॒ – अ॒मे॒ह॒त् । त॒तः॑ । ब॒ल्व॒जाः॑ । उ॒दि॒ति॒ । अ॒ति॒ष्ठ॒न् ।  
ग॒वा॒म् । ए॒व॒ । ए॒न॒म् । न्या॒य॒मि॒ति॒ नि॒ – आ॒य॒म् ।

अ॒पिनी॒येत्य॑पि – नी॒य । गाः । वे॒दय॑ति । इन्द्रा॒य ।  
म॒न्युम॑त इति॑ म॒न्यु – म॒ते॑ । म॒नस्व॑ते । पु॒रोडा॑शम् ।  
एका॑दशक॒पाल॑मित्ये॒काद॑श – क॒पाल॑म् । निरि॑ति । व॒पेत् ।  
संग्राम॑ इति॑ सं – ग्रा॒मे । सँय॑त्त इति॑ सं – य॒त्ते । इन्द्रि॑येण ।  
वै । म॒न्युना॑ । म॒नसा॑ । संग्राम॑मिति॑ सं – ग्रा॒मम् । ज॒यति॑ । इन्द्र॑म् ।  
ए॒व । म॒न्युम॑न्तमिति॑ म॒न्यु – म॒न्तम् । म॒नस्व॑न्तम् । स्वे॒न ।

भा॒गधे॑येनेति॑ भा॒ग-धे॑येन । उ॒पेति॑ । धा॒वति॑ । सः । ए॒व । अ॒स्मिन् ।  
इन्द्रि॑यम् । म॒न्युम् । म॒नः । द॒धाति॑ । ज॒यति॑ । तम् । 41 (50)

### 2.2.8.3

संग्राम॑मे॒तामे॒व निर्व॑पेद्यो ह॒तम॑नाः स्व॒यं पा॑प इ॒व स्या॑दे॒तानि॑  
हि वा ए॒तस्मा॑ दप॒क्रान्ता॑न्यथैष ह॒तम॑नाः स्व॒यं पा॑प इन्द्र॑मे॒व  
म॒न्युम॑न्तं म॒नस्व॑न्तं स्वे॒न भा॒गधे॑येनो॒प धा॒वति॑ स ए॒वास्मि॑न्निन्द्रि॒यं  
म॒न्युं म॒नो द॒धाति॑ न ह॒तम॑नाः स्व॒यं पा॑पो भ॒वतीन्द्रा॑य दा॒त्रे



पु॒रो॒डा॒श॒मे॒का॒द॒श॒क॒पा॒लं॑ नि॒र्व॒पे॒द्यः॑ का॒म॒ये॒त॒ दान॑का॒मा

मे॒ प्र॒जाः॑ स्यु - [ ] 42

### 2.2.8.3 - Padam

सं॒ग्रा॒म॒मि॒ति॒ सं - ग्रा॒म॒म् । ए॒ता॒म् । ए॒व । नि॒रि॒ति॒ । व॒पे॒त् । यः ।

ह॒त॒म॒ना॒ इति॑ ह॒त - म॒नाः॑ । स्व॒यं॒पा॒प॒ इति॑ स्व॒यं - पा॒पः॑ ।

इ॒व । स्या॒त् । ए॒ता॒नि॒ । हि॒ । वै । ए॒तस्मा॑त् ।

अ॒प॒क्रान्ता॑नीत्य॒प - क्रान्ता॑नि॒ । अथ॑ । ए॒षः॑ ।

ह॒त॒म॒ना॒ इति॑ ह॒त - म॒नाः॑ । स्व॒यं॒पा॒प॒ इति॑ स्व॒यं - पा॒पः॑ ।

इन्द्र॑म् । ए॒व । म॒न्यु॒मन्त॑मि॒ति॒ म॒न्यु - मन्त॑म् । म॒न॒स्वन्त॑म् । स्वे॒न॑ ।

भा॒ग॒धे॒ये॒नेति॑ भा॒ग - धे॒ये॒न॑ । उ॒पे॒ति॒ । धा॒व॒ति॒ । सः॑ । ए॒व । अ॒स्मिन् ।

इन्द्रि॑यम् । म॒न्यु॒म् । म॒नः॑ । द॒धा॒ति॒ । न॒ । ह॒त॒म॒ना॒ इति॑ ह॒त - म॒नाः॑ ।

स्व॒यं॒पा॒प॒ इति॑ स्व॒यं - पा॒पः॑ । भ॒व॒ति॒ । इन्द्रा॑य । दा॒त्रे॒ । पु॒रो॒डा॒श॒म् ।

ए॒का॒द॒श॒क॒पा॒ल॒मि॒त्ये॒का॒द॒श - क॒पा॒ल॒म् । नि॒रि॒ति॒ । व॒पे॒त् । यः ।

का॒म॒ये॒त॒ । दान॑का॒मा॒ इति॑ दान॑ - का॒माः॑ । मे॒ ।

प्रजा इति प्र – जाः । स्युः । 42 (50)

**2.2.8.4**

–रितीन्द्रमेव दातार७ स्वेन भागधेयेनोप धावति स एवास्मै  
दानकामाः प्रजाः करोति दानकामा अस्मै प्रजा भवन्तीन्द्राय प्रदात्रे  
पुरोडाशमेकादशकपालं निर्वपेद्यस्मै प्रत्तमिव सन्न प्रदीयेतेन्द्रमेव  
प्रदातार७ स्वेन भागधेयेनोपधावति स एवास्मै प्रदापयतीन्द्राय  
सुत्राम्णो पुरोडाशमेकादशकपालं निर्वपेदपरुद्धो वा – [ ] 43

**2.2.8.4 - Padam**

इति । इन्द्रम् । एव । दातारम् । स्वेन । भागधेयेनेति भाग – धेयेन ।  
उपेति । धावति । सः । एव । अस्मै । दानकामा इति दान – कामाः ।  
प्रजा इति प्र – जाः । करोति । दानकामा इति दान – कामाः ।  
अस्मै । प्रजा इति प्र – जाः । भवन्ति । इन्द्राय । प्रदात्र इति  
प्र – दात्रे । पुरोडाशम् । एकादशकपालमित्येकादश – कपालम् ।  
निरिति । वपेत् । यस्मै । प्रत्तम् । इव । सत् । न । प्रदीयेतेति

पद पाठे (वाक्य सहित) – द्वितीयकाण्डे – द्वितीयः प्रश्नः

प्र - दी॒येत॑ । इन्द्र॑म् । ए॒व । प्र॒दा॒ता॒र॒मि॒ति॑ प्र - दा॒ता॒र॒म् । स्वे॒न ।  
भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॑ । सः । ए॒व ।  
अ॒स्मै॑ । प्रे॒ति॑ । दा॒प॒य॒ति॑ । इन्द्रा॑य । सु॒त्रा॒ण इति॑ सु - त्रा॒णै॑ ।  
पु॒रो॒डा॒श॒म् । ए॒का॒द॒श॒क॒पा॒ल॒मि॒त्ये॒का॒द॒श - क॒पा॒ल॒म् । नि॒रि॒ति॑ ।  
व॒पे॒त् । अ॒प॒रु॒द्ध इत्य॑प - रु॒द्धः॑ । वा । 43 (50)

**2.2.8.5**

ऽप॒रु॒द्ध॒य॒मा॒नो॑ वे॒न्द्र॒मे॒व सु॒त्रा॒मा॒णः॑ स्वे॒न भा॒ग॒धे॒ये॒नो॒प धा॒व॒ति॑  
स ए॒वैनं॑ त्रा॒य॒ते ऽन॒प॒रु॒ध्यो भ॒व॒तीन्द्रो॑ वै स॒दृ॒ङ् दे॒व॒ता॒भि॒रा॒सी॒त् स  
न व्या॒वृ॒त॒म॒गच्छ॑त् स प्र॒जा॒प॒ति॒मु॒पा॒धा॒व॒त् तस्मा॑ ए॒त॒मै॒न्द्र॒मे॒का॒द॒श॒क॒पा॒लं  
नि॒र॒व॒प॒त् ते॒नै॒-वा॒स्मि॒न्निन्द्रि॑य॒म॒द॒धा-च्छ॑क्वरी या॒ज्या॒नु॒वा॒क्ये  
अ॒क॒रो॒द्-व॒ज्रो॑ वै श॒क्वरी॑ स ए॒नं व॒ज्रो भू॒त्या ऐ॒न्ध - [ ] 44

**2.2.8.5 - Padam**

अ॒प॒रु॒द्ध्य॒मा॒न इत्य॑प - रु॒द्ध्य॒मा॒नः॑ । वा । इन्द्र॑म् । ए॒व ।  
सु॒त्रा॒मा॒ण॒मि॒ति॑ सु - त्रा॒मा॒ण॒म् । स्वे॒न । भा॒ग॒धे॒ये॒ने॒ति॑ भा॒ग-धे॒ये॒न॑ ।  
उ॒पे॒ति॑ । धा॒व॒ति॑ । सः । ए॒व । ए॒न॒म् । त्रा॒य॒ते । अ॒न॒प॒रु॒ध्य

पद पाठे (वाक्य सहित) – द्वितीयकाण्डे – द्वितीयः प्रश्नः

इ॒त्यन॑प – रु॒ध्यः । भ॒वति॑ । इ॒न्द्रः । वै । स॒दृङ्ङि॑ति स – दृ॒ङ्ङ् ।  
दे॒वता॑भिः । आ॒सीत् । सः । न । व्या॒वृ॒तमि॑ति वि – आ॒वृ॒तम् ।  
अ॒गच्छ॑त् । सः । प्र॒जाप॑तिमि॒ति प्र॒जा – प॒तिम् । उ॒पेति॑ । अ॒धा॒वत् ।  
तस्मै॑ । ए॒तम् । ऐ॒न्द्रम् । ए॒काद॑शक॒पाल॑मित्ये॒काद॑श – क॒पाल॑म् ।  
नि॒रिति॑ । अ॒वप॑त् । तेन॑ । ए॒व । अ॒स्मिन् । इ॒न्द्रि॒यम् । अ॒दधा॑त् ।  
श॒क्वरी॑ इति । या॒ज्यानु॑वा॒क्ये इति॑ या॒ज्या – अ॒नुवा॒क्ये । अ॒करो॑त् ।  
व॒ज्रः । वै । श॒क्वरी॑ । सः । ए॒नम् । व॒ज्रः । भू॒त्यै । ऐ॒न्ध । 44 (50)

**2.2.8.6**

सोऽ॒भव॑त् सोऽ॒भिभे॑द्-भू॒तः प्र॒ मा ध॑क्ष्यतीति स प्र॒जाप॑तिं  
पुन॑रुपा॒धाव॑त् स प्र॒जाप॑तिः श॒क्वर्या॑ अ॒धि रे॒वतीं॑ नि॒रमि॑मीत शान्त्या  
अ॒प्रदा॑हाय योऽ॒ल॒ श्रि॒यै स॒न्ध-स॒दृङ्ङ्स्मा॑नैः स्यात् तस्मा  
ए॒तमै॒न्द्रमे॒काद॑शक॒पालं॑ नि॒र्वपे॑दिन्द्रमे॒व स्वे॒न भा॒गधे॒येनो॑प धावति स  
ए॒वास्मि॑न्निन्द्रि॒यं द॑धाति रे॒वती॑ पु॒रोऽनु॑वा॒क्या भ॑वति ( ) शान्त्या  
अ॒प्रदा॑हाय श॒क्वरी॑ या॒ज्या व॒ज्रो वै श॒क्वरी॑स ए॒नं व॒ज्रो भू॒त्या इ॒न्धे

भवत्येव । 45

### 2.2.8.6 - Padam

सः । अभवत् । सः । अबिभेत् । भूतः । प्रेति । मा । धक्ष्यति ।  
 इति । सः । प्रजापतिमिति प्रजा-पतिम् । पुनः । उपेति । अधावत् ।  
 सः । प्रजापतिरिति प्रजा - पतिः । शक्वर्याः । अधीति । रेवतीम् ।  
 निरिति । अमिमीत । शान्त्यै । अप्रदाहायेत्यप्र - दाहाय । यः ।  
 अलम् । श्रियै । सन् । सदृङ्ङिति स - दृङ् । समानैः । स्यात् ।  
 तस्मै । एतम् । ऐन्द्रम् । एकादशकपालमित्येकादश - कपालम् ।  
 निरिति । वपेत् । इन्द्रम् । एव । स्वेन । भागधेयेनेति भाग-धेयेन ।  
 उपेति । धावति । सः । एव । अस्मिन् । इन्द्रियम् । दधाति ।  
 रेवती । पुरोनुवाक्येति पुरः - अनुवाक्या । भवति ( ) । शान्त्यै ।  
 अप्रदाहायेत्यप्र - दाहाय । शक्वरी । याज्या । वज्रः । वै ।  
 शक्वरी । सः । एनम् । वज्रः । भूत्यै । इन्धे । भवति ।  
 एव । 45 (64) (अपि - तञ् - स्यु - वै - न्ध - भवति -

चतुर्दश च । ) (A8)

### 2.2.9.1

आ॒ग्ना-वै॒ष्णव॑-मे॒काद॑श॒कपा॒लं निर्व॑पेद॒भिच॑रन्थ्-सर॒स्वत्या॑ज्य  
भा॒गा स्याद्-बा॒र्हस्प॑त् यश्च॒रुर्य॑दा॒ग्ना-वै॒ष्णव॑ ए॒काद॑श॒कपा॒लो  
भ॒वत्य॑ग्निः सर्वा॑ दे॒वता॑ वि॒ष्णुर्य॑ज्ञो दे॒वता॑भिश्चै॒वैनं॑ य॒ज्ञेन॑ चा॒भि  
च॒रति॑सर॒स्वत्या॑ज्यभा॒गा भ॒वति॑ वा॒ग्वै सर॑स्वती वा॒चैवैन॑म॒भि च॒रति॑  
बा॒र्हस्प॑त्यश्च॒रु भ॑वति ब्र॒ह्म वै दे॒वानां॑ बृ॒हस्प॑ति ब्र॒ह्मणै॑वैन॒मभि  
च॒रति॑ - [ ] 46

### 2.2.9.1 - Padam

आ॒ग्नावै॒ष्णव॑मित्या॒ग्ना - वै॒ष्णव॑म् ।  
ए॒काद॑श॒कपा॒लमित्ये॒काद॑श - क॒पा॒लम् । नि॒रिति॑ । व॒पेत् ।  
अ॒भिच॑रन्ति॒त्यभि॑ - च॒रन् । सर॑स्वती ।  
आ॒ज्यभा॑गेत्या॒ज्य - भा॒गा । स्या॑त् । बा॒र्हस्प॑त्यः । च॒रुः । य॑त् ।  
आ॒ग्नावै॒ष्णव॑ इत्या॒ग्ना - वै॒ष्णवः॑ । ए॒काद॑श॒कपा॒ल  
इत्ये॒काद॑श-क॒पा॒लः । भ॒वति॑ । अ॒ग्निः । सर्वाः॑ । दे॒वताः॑ । वि॒ष्णुः ।

य॒ज्ञः । दे॒वता॑भिः । च॒ । ए॒व । ए॒नम् । य॒ज्ञेन॑ । च॒ । अ॒भीति॑ ।  
च॒रति॑ । सर॒स्वती॑ । आ॒ज्यभा॑गेत्याज्य॑-भा॒गा । भ॒वति॑ । वाक् । वै ।  
सर॒स्वती॑ । वा॒चा । ए॒व । ए॒नम् । अ॒भीति॑ । च॒रति॑ । बा॒र्हस्प॑त्यः ।  
च॒रुः । भ॒वति॑ । ब्र॒ह्म । वै । दे॒वाना॑म् । बृ॒हस्प॑तिः । ब्र॒ह्मणा॑ । ए॒व ।  
ए॒नम् । अ॒भीति॑ । च॒रति॑ । 46 (50)

### 2.2.9.2

प्रति॑ वै पर॒स्ताद॑भिचरन्त॒मभि॑ चरन्ति॑ द्वे॒द्वे पु॒रोऽनु॑वाक्ये॑ कुर्या॒दति॑  
प्रयु॑क्त्या ए॒तयै॒व य॒ज्ञेता॑भि चर्य॒माणो॑ दे॒वता॑भिरे॒व दे॒वताः॑ प्रति॒चरति॑  
य॒ज्ञेन॑ य॒ज्ञं वा॒चा वाचं॑ ब्र॒ह्मणा॑ ब्र॒ह्म स दे॒वता॑श्चै॒व य॒ज्ञं च॑ मध्य॒तो  
व्य॒वस॑र्पति॒ तस्य॑ न कु॒तश्च॒नोपा॑व्याधो भ॒वति॑ नैन॒मभि॑चरन्-थ॒स्तृणु॑त  
आ॒ग्नावै॑ष्णव-मे॒काद॑शक॒पालं॑ निर्व॒पेद्यं॑ य॒ज्ञो नो॑ - [ ] 47

### 2.2.9.2 - Padam

प्रती॑ति । वै । पर॒स्तात् । अ॒भिच॑रन्त॒मित्य॑भि - च॒रन्तम् । अ॒भीति॑ ।  
च॒रन्ति॑ । द्वे॒द्वे इति॑ द्वे - द्वे । पु॒रोऽनु॑वाक्ये॑ इति॑ पु॒रः - अनु॑वाक्ये॑ ।  
कुर्या॑त् । अती॑ति । प्रयु॑क्त्या इति॑ प्र - यु॒क्त्यै । ए॒तया॑ । ए॒व ।

पद पाठे (वाक्य सहित) – द्वितीयकाण्डे – द्वितीयः प्रश्नः

य॒जे॒त । अ॒भि॒च॒र्य॒मा॒ण इ॒त्य॒भि – च॒र्य॒मा॒णः । दे॒व॒ता॒भिः । ए॒व ।  
दे॒व॒ताः । प्र॒ति॒च॒र॒ती॒ति॒ प्र॒ति – च॒र॒ति । य॒ज्ञे॒न । य॒ज्ञ॒म् । वा॒चा ।  
वा॒च॒म् । ब्र॒ह्म॒णा । ब्र॒ह्म । सः । दे॒व॒ताः । च । ए॒व । य॒ज्ञ॒म् । च ।  
म॒ध्य॒तः । व्य॒व॒स॒र्प॒ती॒ति॒ वि – अ॒व॒स॒र्प॒ति । त॒स्य । न । कु॒तः ।  
च॒न । उ॒पा॒व्या॒ध इ॒त्यु॒प – आ॒व्या॒धः । भ॒व॒ति । न । ए॒न॒म् ।  
अ॒भि॒च॒र॒न्नि॒त्य॒भि – च॒र॒न् । स्तृ॒णु॒ते । आ॒ग्ना॒वै॒ष्ण॒व॒मि॒त्या॒ग्ना –  
वै॒ष्ण॒व॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति ।  
व॒पे॒त् । य॒म् । य॒ज्ञः । न । 47 (50)

**2.2.9.3**

–प॒न॒मे॒द॒ग्निः॑ स॒र्वा दे॒व॒ता वि॒ष्णु॒र्य॒ज्ञो॑ऽग्निं॑ चै॒व वि॒ष्णुं॑ च॒ स्वे॒न  
भा॒ग॒धे॒ये॒नो॒प॒ धा॒व॒ति॒ ता॒वे॒वा॒स्मै॑ य॒ज्ञं प्र॒य॒च्छ॒त उ॒पै॒नं य॒ज्ञो  
न॒म॒त्या॒ग्ना– वै॒ष्ण॒वं घृ॒ते च॒रुं॑ नि॒र्व॒पे॒च्च॒क्षु॒ष्कामो॑ऽग्ने॒र्वै च॒क्षु॒षा म॒नु॒ष्या  
वि प॒श्य॒न्ति॑ य॒ज्ञस्य॑ दे॒वा अ॒ग्निं॑ चै॒व वि॒ष्णुं॑ च॒ स्वे॒न भा॒ग॒धे॒ये॒नो॒प  
धा॒व॒ति॒ ता॒वे॒वा – [ ] 48



**2.2.9.3 - Padam**

उ॒प॒न॒मो॒दि॒त्यु॒प – न॒मो॒त् । अ॒ग्निः । स॒र्वाः । दे॒वताः । वि॒ष्णुः । य॒ज्ञः ।  
अ॒ग्नि॒म् । च । ए॒व । वि॒ष्णु॒म् । च । स्वे॒न । भा॒ग॒धे॒ये॒नेति॑  
भा॒ग॒-धे॒ये॒न । उ॒पो॒ति । धा॒व॒ति । तौ । ए॒व । अ॒स्मै । य॒ज्ञ॒म् । प्रे॒ति ।  
य॒च्छ॒तः । उ॒पो॒ति । ए॒न॒म् । य॒ज्ञः । न॒म॒ति ।  
आ॒ग्ना॒वै॒ष्ण॒व॒मि॒त्या॒ग्ना – वै॒ष्ण॒व॒म् । घृ॒ते । च॒रु॒म् । नि॒रि॒ति । व॒पो॒त् ।  
चक्षु॑ष्काम इति चक्षुः – का॒मः । अ॒ग्नेः । वै । चक्षु॑षा । म॒नु॒ष्याः ।  
वी॒ति । प॒श्य॒न्ति । य॒ज्ञ॒स्य । दे॒वाः । अ॒ग्नि॒म् ।  
च । ए॒व । वि॒ष्णु॒म् । च । स्वे॒न । भा॒ग॒धे॒ये॒नेति॑ भा॒ग – धे॒ये॒न ।  
उ॒पो॒ति । धा॒व॒ति । तौ । ए॒व । 48 (50)

**2.2.9.4**

–ऽस्मिन् चक्षु॑र्धत्तश्चक्षु॑ष्माने॒व भ॒वति॑ धे॒न्वै वा ए॒तद्-रे॒तो  
यदा॑ज्य-म॒न॒डु॒ह-स्त॑ण्डु॒ला मि॒थु॒नादे॒वास्मै॑ चक्षुः प्र॒ज॒न॒य॒ति  
घृ॒ते भ॒वति॑ ते॒जो वै घृ॒तं ते॒जश्चक्षु॑-स्ते॒जसै॒वास्मै॑ ते॒जश्चक्षु॑र॒व  
रु॒न्ध इ॒न्द्रि॒यं वै वी॒र्यं वृ॒द्धे भ्रा॒तृ॒व्यो य॒ज॒मा॒नोऽय॒ज॒मा॒न॒स्या-

ध्वरकल्पां प्रति निर्वपेद्-भ्रातृव्ये यजमाने नास्येन्द्रियं – [ ] 49

#### 2.2.9.4 - Padam

अस्मिन् । चक्षुः । धत्तः । चक्षुष्मान् । एव । भवति । धेन्वै । वै ।  
 एतत् । रेतः । यत् । आज्यम् । अनडुहः । तण्डुलाः । मिथुनात् ।  
 एव । अस्मै । चक्षुः । प्रेति । जनयति । घृते । भवति । तेजः । वै ।  
 घृतम् । तेजः । चक्षुः । तेजसा । एव । अस्मै । तेजः । चक्षुः ।  
 अवेति । रुन्धे । इन्द्रियम् । वै । वीर्यम् । वृङ्गे । भ्रातृव्यः ।  
 यजमानः । अयजमानस्य । अध्वरकल्पामित्यध्वर-कल्पाम् । प्रति ।  
 निरिति । वपेत् । भ्रातृव्ये । यजमाने । न । अस्य ।

इन्द्रियम् । 49 (50)

#### 2.2.9.5

वीर्यं वृङ्गे पुरावाचः प्रवदितो-निर्वपेद्यावत्येव वाक् तामप्रोदितां  
 भ्रातृव्यस्य वृङ्गे तामस्य वाचं प्रवदन्तीमन्या वाचोऽनु प्रवदन्ति ता  
 इन्द्रियं वीर्यं यजमाने दधत्याग्ना वैष्णव-मष्टाकपालं निर्वपेत् प्रातः  
 सवनस्याऽऽ\* काले सरस्वत्याज्यभागा स्याद् बार्हस्पत्यश्चरु-

र्यद॒ष्टाक॑पालो॒ भव॑त्य॒ष्टाक्ष॑रा गाय॒त्री गाय॑त्रं प्रातः सवनं प्रातः

सवनमे॒व तेना॑प्नो – [ ] 50

### 2.2.9.5 - Padam

वीर्य॑म् । वृ॒द्धे । पु॒रा । वा॒चः । प्र॒वदि॑तोरिति प्र – वदि॑तोः । निरि॑ति ।

वपे॑त् । याव॑ती । ए॒व । वाक् । ताम् । अ॒प्रोदि॑तामित्यप्र – उदि॑ताम् ।

भ्रातृ॑व्यस्य । वृ॒द्धे । ताम् । अ॒स्य । वा॒चम् । प्र॒वद॑न्तीमिति

प्र – वद॑न्तीम् । अ॒न्याः । वा॒चः । अनु॑ । प्रेति॑ । वद॑न्ति । ताः ।

इन्द्रि॑यम् । वीर्य॑म् । यज॑माने । दध॑ति ।

आ॒ग्नावै॒ष्णव॑मित्या॒ग्ना – वै॒ष्णव॑म् । अ॒ष्टाक॑पालमित्य॒ष्टा-क॑पालम् ।

निरि॑ति । वपे॑त् । प्रातः सवनस्येति प्रातः – सवनस्य ।

आ॒काल॑ इत्या – का॒ले । सर॑स्वती । आ॒ज्यभा॑गेत्या॒ज्य – भा॒गा ।

स्यात् । बा॒र्हस्प॑त्यः । चरुः । यत् । अ॒ष्टाक॑पाल

इत्य॒ष्टा – क॑पालः । भव॑ति । अ॒ष्टाक्ष॑रेत्य॒ष्टा-अ॒क्षरा॑ । गाय॒त्री ।

गाय॑त्रम् । प्रातः सवनमिति प्रातः – सवनम् । प्रातः सवनमिति

प्रातः – स॒वनम् । ए॒व । ते॒न । आ॒प्नो॒ति । 50 (50)

### 2.2.9.6

–त्या॒ग्नावै॒ष्णव॑–मे॒काद॑श॒कपालं॑ निर्व॒पेन्मा॑ध्य॒न्दिन॑स्य स॒वनस्याऽऽ  
\*काले॑ स॒रस्व॑त्याज्य॒भागा॑ स्याद् बा॒र्हस्प॑त्य–श्च॒रु र्यदे॑कादश॒कपालो॑  
भव॒त्येका॑दश॒क्षरा॑ त्रि॒ष्टुप् त्रै॒ष्टुभं॑ मा॒ध्यन्दि॑नꣳ स॒वनं॑ मा॒ध्यन्दि॑नमे॒व  
स॒वनं ते॒नाऽऽ\*प्नो॑त्या॒ग्नावै॒ष्णवं॑ द्वा॒दश॑क॒पालं॑ निर्व॒पेत्  
तृ॒तीयस॑वनस्याऽऽ\*काले॑ स॒रस्व॑त्याज्य॒भागा॑ स्याद् बा॒र्हस्प॑त्यश्च॒रुर्यद्  
द्वा॒दश॑क॒पालो॑ भव॒ति द्वा॒दश॑क्ष॒रा ज॑गती जा॒गतं॑ तृ॒तीयस॑वनं तृ॒तीय  
स॒वनमे॒व ते॒नाऽऽप्नो॑ति दे॒वता॑भिरे॒व दे॒वताः॑ – [ ] 51

### 2.2.9.6 - Padam

आ॒ग्नावै॒ष्णव॑मि॒त्याग्ना॑ – वै॒ष्णवम् ।  
एका॑दश॒कपाल॑मि॒त्येका॑दश – क॒पालम् । नि॒रिति॑ । व॒पेत् ।  
मा॒ध्यन्दि॑नस्य । स॒वनस्य॑ । आ॒काल॑ इत्या – का॒ले । स॒रस्व॑ती ।  
आज्य॑भागे॒त्याज्य॑ – भा॒गा । स्या॒त् । बा॒र्हस्प॑त्यः । च॒रुः ।  
यत् । ए॒काद॑श॒कपाल॑ इ॒त्येका॑दश – क॒पालः । भव॒ति ।

पद पाठे (वाक्य सहित) – द्वितीयकाण्डे – द्वितीयः प्रश्नः

एकाद॒शाक्ष॑रेत्ये॒काद॒श – अ॒क्ष॒रा । त्रि॒ष्टुप् । त्रै॒ष्टु॒भम् । मा॒ध्य॒न्दि॒नम् ।

स॒व॒नम् । मा॒ध्य॒न्दि॒नम् । ए॒व । स॒व॒नम् । ते॒न । आ॒प्नो॒ति ।

आ॒ग्ना॒वैष्ण॑वमि॒त्याग्ना॑ – वैष्ण॑वम् ।

द्वा॒द॒श॒क॒पा॒ल॒मि॒ति॒ द्वा॒द॒श – क॒पा॒लम् । नि॒रि॒ति॒ । व॒पे॒त् ।

तृ॒ती॒य॒स॒व॒न॒स्ये॒ति॒ तृ॒ती॒य – स॒व॒न॒स्य॒ । आ॒का॒ल॒ इ॒त्या॑ – का॒ले॒ ।

स॒र॒स्व॒ती । आ॒ज्य॑भा॒गे॒त्याज्य॑ – भा॒गा । स्या॒त् । बा॒र्ह॒स्प॒त्यः॑ ।

च॒रुः॑ । य॒त् । द्वा॒द॒श॒क॒पा॒ल॒ इ॒ति॒ द्वा॒द॒श – क॒पा॒लः॑ । भ॒व॒ति॒ ।

द्वा॒द॒श॒क्ष॑रे॒ति॒ द्वा॒द॒श – अ॒क्ष॒रा । ज॒ग॒ती॒ । जा॒ग॒त॒म् ।

तृ॒ती॒य॒स॒व॒न॒मि॒ति॒ तृ॒ती॒य – स॒व॒नम् । तृ॒ती॒य॒स॒व॒न॒मि॒ति॒

तृ॒ती॒य – स॒व॒नम् । ए॒व । ते॒न । आ॒प्नो॒ति॒ । दे॒व॒ता॒भिः॑ । ए॒व ।

दे॒व॒ताः॑ । 51 (50)

**2.2.9.7**

प्र॒ति॒च॒र॒ति॒ य॒ज्ञे॒न॒ य॒ज्ञं॑ वा॒चा॒ वा॒चं॑ ब्र॒ह्म॒णा॒ ब्र॒ह्म॑ क॒पा॒लै॒रे॒व

छ॒न्दा॑ꣳस्या॒प्नो॒ति॒ पु॒रो॒डा॒शैः॑ स॒व॒ना॒नि॒ मै॒त्रा॒व॒रु॒ण॒मे॒क॒क॒पा॒लं॑ नि॒र्व॒पे॒द्-

व॒शायै॑ का॒ले यै॒वासौ॑ भ्रातृ॒व्यस्य॑ व॒शाऽनू॒बन्ध्या॑ सो  
ए॒वैषै॑तस्यै॒कक॑पालो भवति न हि क॒पालैः॑ प॒शुमर्॑ह॒त्याप्तुं॑ । 52

**2.2.9.7 - Padam**

प्रति॑चरतीति प्रति – चरति । य॒ज्ञेन॑ । य॒ज्ञम् । वा॒चा । वा॒चम् ।  
ब्र॒ह्मणा॑ । ब्र॒ह्म । क॒पालैः॑ । ए॒व । छ॒न्दा॒सि । आ॒प्नोति॑ ।  
पु॒रोडा॑शैः । स॒वनानि॑ । मै॒त्राव॑रुणमिति मै॒त्रा – व॒रुणम् ।  
ए॒कक॑पाल॒मित्ये॑क – क॒पालम् । निरि॑ति । व॒पेत् । व॒शायै॑ ।  
का॒ले । या । ए॒व । अ॒सौ । भ्रातृ॒व्यस्य॑ । व॒शा ।  
अ॒नू॒बन्ध्या॑त्यनु – ब॒न्ध्या । सो इति॑ । ए॒व । ए॒षा । ए॒तस्य॑ ।  
ए॒कक॑पाल इत्ये॒क-क॑पालः । भवति॑ । न । हि । क॒पालैः॑ । प॒शुम् ।  
अर्॑हति । आ॒प्तुम् । 52 (37)

(ब्र॒ह्मणै॑वैन॒मभि॑ चरति – य॒ज्ञो न – ता॒वे॒वा – ऽस्यै॑न्द्रि॒य –  
मा॒प्नोति॑ – दे॒वताः॑ – स॒प्तत्रिं॑शच्च ) (A9)

**2.2.10.1**

अ॒सा॒वा॒दि॒त्यो॑ न व्य॒रो॒चत॑ तस्मै॑ दे॒वाः प्राय॑श्चि॒त्ति॒मै॒च्छन् तस्मा॑ ए॒तम्  
सो॒मा॒रौ॒द्रं च॒रुं नि॒रव॑पन् तेनै॒वास्मिन् रुच॑म॒दधु॑र्यो ब्र॒ह्म॒वर्च॑स॒कामः  
स्यात् तस्मा॑ ए॒तम् सो॒मा॒रौ॒द्रं च॒रुं निर्व॑पे॒त् सोमं॑ चै॒व रु॒द्रं च॒ स्वेन॑  
भा॒ग॒धे॒ये॒नो॒प धा॑वति तावे॒वास्मिन् ब्र॒ह्म॒वर्च॑सं ध॒त्तो ब्र॒ह्म॒वर्च॑स्ये॒व  
भ॒वति॑ ति॒ष्या॒पूर्ण॑मा॒से निर्व॑पे॒द्-रु॒द्रो - [ ] 53

**2.2.10.1 - Padam**

अ॒सौ । आ॒दि॒त्यः । न । वी॒ति । अ॒रो॒चत॑ । तस्मै॑ । दे॒वाः ।  
प्राय॑श्चि॒त्ति॒म् । ऐ॒च्छन् । तस्मै॑ । ए॒तम् ।  
सो॒मा॒रौ॒द्रमि॑ति सो॒मा-रौ॒द्रम् । च॒रुम् । नि॒रि॒ति । अ॒व॒पन् । तेन॑ ।  
ए॒व । अ॒स्मिन् । रुच॑म् । अ॒दधुः॑ । यः । ब्र॒ह्म॒वर्च॑स॒काम॑ इति॑  
ब्र॒ह्म॒वर्च॑स - का॒मः । स्यात् । तस्मै॑ । ए॒तम् । सो॒मा॒रौ॒द्रमि॑ति  
सो॒मा - रौ॒द्रम् । च॒रुम् । नि॒रि॒ति । व॒पेत् । सोम॑म् । च । ए॒व ।  
रु॒द्रम् । च । स्वेन॑ । भा॒ग॒धे॒ये॒नेति॑ भा॒ग-धे॒येन॑ । उ॒पेति॑ । धा॒वति॑ ।  
तौ । ए॒व । अ॒स्मिन् । ब्र॒ह्म॒वर्च॑समि॑ति ब्र॒ह्म - वर्च॑सम् । ध॒त्तः ।

ब्रह्मवर्चसीति ब्रह्म – वर्चसी । एव । भवति । तिष्यापूर्णमास इति  
तिष्या – पूर्णमासे । निरिति । वपेत् । रुद्रः । 53 (50)

**2.2.10.2**

वै तिष्यः सोमः पूर्णमासः साक्षादेव ब्रह्मवर्चसमव रुन्धे परिश्रिते  
याजयति ब्रह्मवर्चसस्य परिगृहीत्यै श्वेतायै श्वेतवत्स्यायै दुग्धं  
मथितमाज्यं भवत्याज्यं प्रोक्षणमाज्येन मार्जयन्ते यवदेव ब्रह्मवर्चसं  
तथ् सर्वं करोत्यति ब्रह्मवर्चसं क्रियत इत्याहुरीश्वरो दुश्चर्मा  
भवितोरिति मानवी ऋचौ धार्ये कुर्याद्-यद्वै किञ्च मनुर्वदत्-तद्-  
भेषजं – [ ] 54

**2.2.10.2 - Padam**

वै । तिष्यः । सोमः । पूर्णमास इति पूर्ण – मासः । साक्षादिति  
स – अक्षात् । एव । ब्रह्मवर्चसमिति ब्रह्म – वर्चसम् । अवेति ।  
रुन्धे । परिश्रित इति परि – श्रिते । याजयति । ब्रह्मवर्चसस्येति  
ब्रह्म – वर्चसस्य । परिगृहीत्या इति परि – गृहीत्यै ।  
श्वेतायै । श्वेतवत्स्याया इति श्वेत – वत्स्यायै । दुग्धम् । मथितम् ।



पद पाठे (वाक्य सहित) – द्वितीयकाण्डे – द्वितीयः प्रश्नः

आज्यम् । भवति । आज्यम् । प्रोक्षणमिति प्र-अक्षणम् । आज्येन ।  
मार्जयन्ते । यावत् । एव । ब्रह्मवर्चसमिति ब्रह्म - वर्चसम् । तत् ।  
सर्वम् । करोति । अतीति । ब्रह्मवर्चसमिति ब्रह्म - वर्चसम् ।  
क्रियते । इति । आहुः । ईश्वरः । दुश्चर्मेति दुः - चर्मा । भवितोः ।  
इति । मानवी इति । ऋचौ । धाय्ये इति । कुर्यात् । यत् । वै ।  
किम् । च । मनुः । अवदत् । तत् । भेषजम् । 54 (50)

**2.2.10.3**

भेषजमेवास्मै करोति यदि बिभीयाद्-दुश्चर्मा भविष्यामीति  
सोमापौष्णं चरुं निर्वपेथ् सौम्यो वै देवतया पुरुषः पौष्णाः पशवः  
स्वयै वास्मै देवतया पशुभिस्त्वचं करोति न दुश्चर्मा भवति सोमारौद्रं  
चरुं निर्वपेत् प्रजाकामः सोमो वै रेतोधा अग्निः प्रजानां प्रजनयिता  
सोम एवास्मै रेतो दधात्यग्निः प्रजां प्रजनयति विन्दते - [ ] 55

**2.2.10.3 - Padam**

भेषजम् । एव । अस्मै । करोति । यदि । बिभीयात् । दुश्चर्मेति  
दुः - चर्मा । भविष्यामि । इति । सोमापौष्णमिति सोमा - पौष्णम् ।

पद पाठे (वाक्य सहित) – द्वितीयकाण्डे – द्वितीयः प्रश्नः

च॒रुम् । नि॒रिति॑ । व॒पेत् । सौ॒म्यः । वै । दे॒वत॑या । पु॒रुषः । पौ॒ष्णाः ।  
प॒शवः॑ । स्व॒या॑ । ए॒व । अ॒स्मै । दे॒वत॑या । प॒शुभि॒रिति॑ प॒शु – भिः॑ ।  
त्व॒चम् । क॒रोति॑ । न । दु॒श्च॒र्म॑ति॒ दुः – च॒र्मा॑ । भ॒वति॑ ।  
सो॒मा॒रौ॒द्रमि॑ति सो॒मा – रौ॒द्रम् । च॒रुम् । नि॒रिति॑ । व॒पेत् ।  
प्र॒जा॒काम॑ इति॑ प्र॒जा – का॒मः । सो॒मः । वै । रे॒तो॒धा इति॑  
रेतः॑ – धाः । अ॒ग्निः । प्र॒जा॒ना॒मिति॑ प्र – जा॒नाम् ।  
प्र॒ज॒न॒यि॒तेति॑ प्र – ज॒न॒यि॒ता । सो॒मः । ए॒व । अ॒स्मै । रे॒तः । द॒धाति॑ ।  
अ॒ग्निः । प्र॒जा॒मिति॑ प्र – जा॒म् । प्रेति॑ । ज॒न॒यति॑ । वि॒न्दते॑ । 55 (50)

**2.2.10.4**

प्र॒जाꣳ सो॒मा॒रौ॒द्रं च॒रुं निर्व॑पेदभि॒चरन्-॑थ्सौ॒म्यो वै दे॒वत॑या पु॒रुष  
ए॒ष रु॒द्रो य॒दग्निः॑ स्वा॒या ए॒वैनं॑ दे॒वता॑यै निष्क्री॒य रु॒द्राया॑पि द॒धाति॑  
ता॒ज॒गा॒र्ति॒माच्छ॑ति सो॒मा॒रौ॒द्रं च॒रुं निर्व॑पे-ज्ज्यो॒गा॒मया॑वी सो॒मं वा  
ए॒तस्य॑ र॒सो ग॑च्छत्यग्निꣳ शरी॒रं य॑स्य ज्यो॒गा॒मय॑ति सो॒मादे॒वास्य  
र॒सं निष्क्री॑णात्यग्नेः शरी॒रमु॑त यदी – [ ] 56

**2.2.10.4 - Padam**

प्र॒जामि॑ति प्र - जाम् । सो॒मा॒रौ॒द्रमि॑ति सो॒मा - रौ॒द्रम् । च॒रुम् ।  
नि॒रिति॑ । व॒पेत् । अ॒भि॒च॒र॒न्नित्य॑भि - च॒रन् । सौ॒म्यः । वै । दे॒वत॑या ।  
पु॒रुषः॑ । ए॒षः । रु॒द्रः । यत् । अ॒ग्निः । स्वा॒याः॑ । ए॒व । ए॒नम् ।  
दे॒वता॑यै । नि॒ष्क्री॑येति निः - क्री॒य । रु॒द्राय॑ । अ॒पीति॑ । द॒धाति॑ ।  
ता॒जक् । आ॒र्तिम् । ए॒ति । ऋ॒च्छति॑ । सो॒मा॒रौ॒द्रमि॑ति सो॒मा-रौ॒द्रम् ।  
च॒रुम् । नि॒रिति॑ । व॒पेत् । ज्यो॑गामयावीति ज्योक् - आ॒मया॑वी ।  
सो॒मम् । वै । ए॒तस्य॑ । र॒सः । ग॒च्छति॑ । अ॒ग्निम् । शरी॑रम् । य॒स्य ।  
ज्योक् । आ॒मय॑ति । सो॒मात् । ए॒व । अ॒स्य । र॒सम् । नि॒ष्क्री॑णातीति  
निः - क्री॒णाति॑ । अ॒ग्नेः । शरी॑रम् । उ॒त । यदि॑ । 56 (50)

**2.2.10.5**

-ता॒सु भ॑वति जी॒वत्ये॑व सो॒मा॒रु॒द्रयो॑र्वा ए॒तं ग्र॑सितं होता  
नि॒ष्वि॒दति॑ स ई॒श्वर॑ आ॒र्ति॒मा॒र्तो-र॑न॒ड्वान् हो॒त्रा दे॒यो वह्नि॑र्वा  
अ॒न॒ड्वान् वह्नि॑र्.हो॒ता वह्नि॑नै॒व वह्नि॑मा॒त्मानं॑ स्पृ॒णोति॑ सो॒मा॒रौ॒द्रं  
च॒रुं निर्व॑पे॒द्यः का॒मये॑त स्वे॒ऽस्मा आ॒यत॑ने भ्रातृ॑व्यं ज॒नये॑यमिति वेदि॑

परि॒गृह्यार्ध॑मु॒द्धन्या॑दर्धं॒ नार्धं॑ ब॒र्हिषः॑ स्तृणीयादर्धं॒ ( )

नार्ध॑-मि॒ध्मस्या॑भ्या-द॒ध्या-दर्धं॑ न स्व ए॒वास्मा॑ आ॒यत॑ने॒ भ्रातृ॑व्यं  
जनयति । 57

### 2.2.10.5 - Padam

इ॒तासु॒रिती॑त - अ॒सुः । भ॒वति॑ । जी॒वति॑ । ए॒व ।

सो॒मा॒रु॒द्रयो॑रिति॒ सोमा॑ - रु॒द्रयोः॑ । वै । ए॒तम् । ग्र॒सित॑म् । हो॒ता ।

नि॒रिति॑ । खि॒दति॑ । सः । ई॒श्वरः॑ । आ॒र्तिम् । आ॒र्तो॒रिया॑ - अ॒र्तोः॑ ।

अ॒न॒ड्वान् । हो॒त्रा । दे॒यः । वह्निः॑ । वै । अ॒न॒ड्वान् । वह्निः॑ । हो॒ता ।

वह्नि॑ना । ए॒व । वह्नि॑म् । आ॒त्मान॑म् । स्पृ॒णोति॑ । सो॒मा॒रौ॒द्रमि॑ति

सो॒मा - रौ॒द्रम् । च॒रुम् । नि॒रिति॑ । व॒पेत् । यः । का॒मये॑त । स्वे ।

अ॒स्मै । आ॒यत॑न इ॒त्या - य॑तने । भ्रातृ॑व्यम् । ज॒नये॑यम् । इति॑ ।

वे॒दिम् । परि॒गृह्ये॑ति॒ परि॑ - गृ॒ह्य । अ॒र्धम् । उ॒द्धन्या॑दित्युत्-ह॒न्यात् ।

अ॒र्धम् । न । अ॒र्धम् । ब॒र्हिषः॑ । स्तृ॒णीया॑त् । अ॒र्धम् ( ) । न ।

अ॒र्धम् । इ॒ध्मस्य॑ । अ॒भ्या॒दध्या॑दित्यभि - आ॒दध्या॑त् । अ॒र्धम् । न ।

स्वे । ए॒व । अ॒स्मै । आ॒य॒त॒न इ॒त्या – य॒त॒ने । भ्रा॒तृ॒व्य॒म् ।

ज॒न॒य॒ति । 57 (62) (रु॒द्रो – भे॒ष॒जं – वि॒न्दते – य॒दि – स्तृ॒णी॒या॒दर्धं  
– द्वा॒द॒श च) (A10)

### 2.2.11.1

ऐ॒न्द्र॒मे॒का॒द॒श॒क॒पा॒लं नि॒र्व॒पे॒न्मा॒रु॒तं स॒प्त॒क॒पा॒लं ग्रा॒म॒का॒म इ॒न्द्रं चै॒व  
म॒रु॒तश्च स्वे॒न भा॒ग॒धे॒ये॒नो॒प धा॒व॒ति त ए॒वा॒स्मै स॒जा॒ता॒न् प्र॒य॒च्छ॒न्ति  
ग्रा॒म्ये॒व भ॒व॒त्या॒ह॒व॒नी॒य ऐ॒न्द्र॒म॒धि श्र॒य॒ति गा॒र्ह॒प॒त्ये मा॒रु॒तं  
पा॒प॒व॒स्य॒स॒स्य वि॒धृ॒त्यै स॒प्त॒क॒पा॒लो मा॒रु॒तो भ॒व॒ति स॒प्त॒ग॒णा वै  
म॒रु॒तो॒ग॒ण॒श ए॒वा॒स्मै स॒जा॒ता॒न॒व रु॒न्धेऽनू॒च्य॒मा॒न आ सा॒द॒य॒ति  
वि॒श॒मे॒वा – [ ] 58

### 2.2.11.1 - Padam

ऐ॒न्द्र॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । नि॒रि॒ति । व॒पे॒त् ।  
मा॒रु॒त॒म् । स॒प्त॒क॒पा॒ल॒मि॒ति स॒प्त – क॒पा॒ल॒म् । ग्रा॒म॒का॒म इ॒ति  
ग्रा॒म – का॒मः । इ॒न्द्र॒म् । च । ए॒व । म॒रु॒तः । च । स्वे॒न ।  
भा॒ग॒धे॒ये॒ने॒ति भा॒ग – धे॒ये॒न । उ॒पे॒ति । धा॒व॒ति । ते । ए॒व । अ॒स्मै ।

स॒जा॒ता॒नि॒ति॒ स-जा॒तान् । प्रेति॑ । य॒च्छन्ति॑ । ग्रा॒मी । ए॒व । भ॒वति॑ ।  
 आ॒ह॒वनी॒य इत्या॑ – ह॒वनी॒ये । ऐ॒न्द्रम् । अधी॑ति । श्र॒यति॑ ।  
 गा॒र्ह॒पत्य॑ इति॒ गा॒र्ह – प॒त्ये । मा॒रुत॑म् ।  
 पा॒प॒व॒स्य॒स॒स्येति॑ पा॒प – व॒स्य॒स॒स्य । वि॒धृ॒त्या इति॑ वि – धृ॒त्यै ।  
 स॒प्त॒क॒पा॒ल इति॑ स॒प्त – क॒पा॒लः । मा॒रुतः॑ । भ॒वति॑ ।  
 स॒प्त॒ग॒णा इति॑ स॒प्त – ग॒णाः । वै । म॒रुतः॑ । ग॒ण॒श इति॑ ग॒ण-शः॑ ।  
 ए॒व । अ॒स्मै । स॒जा॒ता॒नि॒ति॒ स – जा॒तान् । अ॒वेति॑ । रु॒न्धे ।  
 अ॒नू॒च्य॒मा॒न इत्य॑नु – उ॒च्य॒मा॒ने । एति॑ । सा॒द॒यति॑ । वि॒शम् ।

ए॒व । 58 (50)

### 2.2.11.2

–स्मा॑ अ॒नु॒व॒र्त्मानं॑ क॒रोत्ये॑तामे॒व निर्व॑पे॒द्यः का॒मये॑त क्ष॒त्राय॑ च वि॒शे  
 च॑ स॒म॒दं द॒ध्या॒मि॒त्यैन्द्र॑स्या-व॒द्यन् ब्रू॒यादिन्द्रा॑यानु ब्रू॒हीत्या॑श्राव्य  
 ब्रू॒यान्-म॒रुतो॑ य॒जेति॑ मा॒रुत॑स्याव॒द्यन् ब्रू॒यान्म॒रुद्भ्योऽनु॑ ब्रू॒हीत्या॑श्राव्य  
 ब्रू॒यादिन्द्रं॑ य॒जेति॑ स्व॒ ए॒वैभ्यो॑ भा॒ग॒धेये॑ स॒म॒दं द॒धाति॑ वि॒तृ॒ञ्

हा॒णास्ति॑ष्ठन्त्ये॒ तामे॒व – [ ] 59

**2.2.11.2 - Padam**

अ॒स्मै । अनु॑व॒र्त्मान॑मित्यनु॒ – व॒र्त्मान॑म् । क॒रोति॑ । ए॒ताम् । ए॒व ।  
नि॒रिति॑ । व॒पेत् । यः । का॒मये॑त । क्ष॒त्राय॑ । च । वि॒शे । च ।  
स॒मद॑मिति॒ स – म॒दम् । द॒ध्याम् । इति॑ । ऐ॒न्द्रस्य॑ ।  
अ॒वद्य॑न्नित्य॒व – द्यन् । ब्रू॒यात् । इन्द्रा॑य । अ॒न्विति॑ । ब्रू॒हि । इति॑ ।  
आ॒श्राव्ये॑त्या – श्रा॒व्य । ब्रू॒यात् । म॒रुतः॑ । य॒ज । इति॑ । मा॒रुत॑स्य ।  
अ॒वद्य॑न्नित्य॒व – द्यन् । ब्रू॒यात् । म॒रुद्भ्य॑ इति॒ म॒रुत् – भ्यः॑ ।  
अ॒न्विति॑ । ब्रू॒हि । इति॑ । आ॒श्राव्ये॑त्या – श्रा॒व्य । ब्रू॒यात् । इन्द्र॑म् ।  
य॒ज । इति॑ । स्वे । ए॒व । ए॒भ्यः । भा॒गधे॑य इति॒ भा॒ग – धे॒ये ।  
स॒मद॑मिति॒ स – म॒दम् । द॒धाति॑ । वि॒तृ॒हाणा॑ इति॒ वि॒तृ॒हाणाः॑ ।  
ति॒ष्ठन्ति॑ । ए॒ताम् । ए॒व । 59 (50)

**2.2.11.3**

निर्व॑पेद्यः का॒मये॑त क॒ल्पे॒रन्ति॑ति॒ यथा॑दे॒वत॑म॒वदा॑य॒ यथा॑ दे॒वतं॑ य॒जेद्-  
भा॒गधे॑ये॒नैवै॑नान् यथा॒यथं॑ क॒ल्पय॑ति॒ कल्प॑न्त ए॒वैन्द्र॑-मे॒काद॑श॒कपा॑लं

निर्व॑पेद्-वै॒श्वदे॑वं द्वा॒दश॑क॒पालं॑ ग्रा॒मका॑म इन्द्रं॑ चै॒व वि॒श्वाऽ॒श्च  
दे॒वान्-स्वे॑न भा॒गधे॑येनो॒प धा॑वति त ए॒वास्मै॑ स॒जाता॑न्  
प्रय॑च्छन्ति ग्रा॒म्ये॒व भव॑त्यै॒न्द्रस्या॑व॒दाय॑ वै॒श्वदे॑वस्या॒व

द्यौ॒दथै॑न्द्रस्यो- [ ] 60

**2.2.11.3 - Padam**

नि॒रिति॑ । व॒पेत् । यः । का॒मये॑त । क॒ल्पे॑रन् । इति॑ ।  
य॒थादे॒वत॑मिति॒ यथा॑ - दे॒वत॑म् । अ॒वदा॑येत्य॒व - दा॑य ।  
य॒थादे॒वत॑मिति॒ यथा॑ - दे॒वत॑म् । य॒जेत् । भा॒गधे॑येनेति॒ भाग॑-धे॒येन॑ ।  
ए॒व । ए॒नान् । य॒थाय॑थमिति॒ यथा॑ - य॒थम् । क॒ल्पय॑ति । क॒ल्पन्ते॑ ।  
ए॒व । ऐ॒न्द्रम् । ए॒काद॑शक॒पाल॑मित्ये॒काद॑श - क॒पाल॑म् । नि॒रिति॑ ।  
व॒पेत् । वै॒श्वदे॑वमिति॒ वैश्व॑ - दे॒वम् । द्वा॒दश॑क॒पाल॑मिति॒  
द्वा॒दश॑ - क॒पाल॑म् । ग्रा॒मका॑म इति॒ ग्रा॒म - का॑मः । इन्द्र॑म् । च॒ ।  
ए॒व । वि॒श्वा॒न् । च॒ । दे॒वान् । स्वे॑न । भा॒गधे॑येनेति॒ भाग॑ - धे॒येन॑ ।  
उ॒पेति॑ । धा॒वति॑ । ते॒ । ए॒व । अ॒स्मै । स॒जाता॑निति॒ स - जा॑तान् ।



प्रेति॑ । य॒च्छन्ति॑ । ग्रा॒मी । ए॒व । भ॒वति॑ । ऐ॒न्द्रस्य॑ ।

अ॒वदा॑येत्य॒व – दा॒य । वै॒श्वदे॑वस्येति॒ वैश्व॑-दे॒वस्य॑ । अ॒वेति॑ । द्यो॒त् ।

अथ॑ । ऐ॒न्द्रस्यः॑ । 60 (50)

#### 2.2.11.4

–परि॑ष्ठादि॒न्द्रिये॑णै॒वास्मा॑ उ॒भय॑तः स॒जा॒तान् परि॑ गृ॒ह्णात्यु॑पा॒धाय्य॑ पूर्॒वयं॑

वा॒सो दक्षि॑णा स॒जा॒ताना॑मु॒पहि॑त्यै पृ॒श्नि॒यै दु॒ग्धे प्रै॒यङ्ग॑वं च॒रुं

निर्व॑पे॒न्मरु॑द्भ्यो॒ ग्राम॑कामः पृ॒श्नि॒यै वै प॒यसो॑ म॒रुतो॑ जा॒ताः पृ॒श्नि॒यै

प्रि॒यङ्ग॑वो मा॒रुताः॑ ख॒लु वै दे॒वत॑या स॒जा॒ता म॒रुत॑ ए॒व स्वे॒न

भा॒गधे॑ये॒नोप॑ धा॒वति॑ त ए॒वास्मै॑ स॒जा॒तान् प्र॑यच्छन्ति॒ ग्राम्ये॑व भ॒वति॑

प्रि॒यव॑ती या॒ज्यानु॑वा॒क्ये – [ ] 61

#### 2.2.11.4 - Padam

उ॒परि॑ष्ठात् । इ॒न्द्रिये॑ण । ए॒व । अ॒स्मै । उ॒भय॑तः ।

स॒जा॒तानि॑ति स – जा॒तान् । प॒रीति॑ । गृ॒ह्णाति॑ ।

उ॒पा॒धा॒य्यपूर्॒वय॑मित्यु॒पा॒धाय्य॑ – पूर्॒वय॑म् । वा॒सः । दक्षि॑णा ।

स॒जा॒ताना॑मि॒ति स – जा॒ताना॑म् । उ॒पहि॑त्या इ॒त्युप॑ – हि॒त्यै ।

पद पाठे (वाक्य सहित) – द्वितीयकाण्डे – द्वितीयः प्रश्नः

पृ॒श्नि॒यै । दु॒ग्धे । प्रै॒यङ्ग॒वम् । च॒रुम् । नि॒रि॒ति । व॒पेत् । म॒रुद्भ्य॒ इति॑  
म॒रुत् – भ्यः॑ । ग्राम॑काम॒ इति॑ ग्राम॒ – का॒मः । पृ॒श्नि॒यै । वै ।  
प॒य॒सः । म॒रुतः॑ । जा॒ताः । पृ॒श्नि॒यै । प्रि॒यङ्ग॒वः । मा॒रु॒ताः । ख॒लु ।  
वै । दे॒व॒त॒या । स॒जा॒ता इति॑ स – जा॒ताः । म॒रुतः॑ । ए॒व । स्वे॒न ।  
भा॒ग॒धे॒ये॒नेति॑ भा॒ग – धे॒ये॒न । उ॒पेति॑ । धा॒व॒ति । ते । ए॒व । अ॒स्मै ।  
स॒जा॒ता॒नि॒ति स – जा॒ता॒न् । प्रेति॑ । य॒च्छ॒न्ति । ग्रा॒मी । ए॒व ।  
भ॒व॒ति । प्रि॒य॒व॒ती इति॑ प्रि॒य – व॒ती ।  
या॒ज्या॒नु॒वा॒क्ये इति॑ या॒ज्या – अ॒नु॒वा॒क्ये ॥ 61 (50)

**2.2.11.5**

भ॒व॒तः प्रि॒य॒मे॒वैन॑ꣳ स॒मा॒ना॒नां॑ क॒रोति॑ द्वि॒प॒दा पु॒रोऽनु॒वा॒क्या भ॒व॒ति  
द्वि॒प॒द ए॒वा॒व रु॒न्धे च॒तु॒ष्प॒दा या॒ज्या च॒तु॒ष्प॒द ए॒व प॒शू॒न॒व रु॒न्धे  
दे॒वा॒सु॒राः सँ॒य॒त्ता आ॒सन् ते॑ दे॒वा मि॒थो वि॒प्रि॒या आ॒सन् ते॑ (1)  
ऽन्यो॑ऽन्य॒स्मै ज्यै॑ष्॒ठ्या॒या-ति॑ष्ठ॒मा॒नाश्च॒तु॒र्धा व्य॑क्राम॒न्नग्नि॑र्व॒सुभिः॑ सो॒मो  
रु॒द्रैरि॒न्द्रो म॒रुद्भि॑र्व॒रुण॑ आ॒दि॒त्यैः सः॑ इ॒न्द्रः

प्र॒जा॒प॒ति॒मु॒पा॒धा॒व॒त् त – [ ] 62

**2.2.11.5 - Padam**

भ॒व॒तः॑ । प्रि॒यम् । ए॒व । ए॒नम् । स॒मा॒ना॒नाम्॑ । क॒रो॒ति॑ ।  
द्वि॒प॒दे॒ति॑ द्वि – प॒दा॑ । पु॒रो॒नु॒वा॒क्ये॒ति॑ पु॒रः – अ॒नु॒वा॒क्या॑ । भ॒व॒ति॑ ।  
द्वि॒प॒द॒ इति॑ द्वि – प॒दः॑ । ए॒व । अ॒वे॒ति॑ । रु॒न्धे॑ । च॒तु॒ष्प॒दे॒ति॑  
च॒तुः॑ – प॒दा॑ । या॒ज्या॑ । च॒तु॒ष्प॒द॒ इति॑ च॒तुः॑ – प॒दः॑ । ए॒व । प॒शून् ।  
अ॒वे॒ति॑ । रु॒न्धे॑ । दे॒वा॒सु॒रा इति॑ दे॒व – अ॒सु॒राः ।  
सं॒य॒त्ता॑ इति॑ सं – य॒त्ताः॑ । आ॒स॒न् । ते॑ । दे॒वाः । मि॒थः । वि॒प्रि॒या  
इति॑ वि – प्रि॒याः॑ । आ॒स॒न् । ते॑ । अ॒न्यः । अ॒न्य॒स्मै॑ । ज्यै॒ष्ठ्या॑य ।  
अ॒ति॒ष्ठ॒मा॒नाः । च॒तु॒र्थे॒ति॑ च॒तुः॑ – धा॑ । वी॒ति॑ । अ॒क्रा॒म॒न् । अ॒ग्निः॑ ।  
व॒सु॒भि॒रिति॑ व॒सु – भिः॑ । सो॒मः॑ । रु॒द्रैः॑ । इ॒न्द्रः॑ । म॒रु॒द्भि॒रिति॑  
म॒रुत् – भिः॑ । व॒रु॒णः॑ । आ॒दि॒त्यैः॑ । सः॑ । इ॒न्द्रः॑ । प्र॒जा॒प॒ति॒मिति॑  
प्र॒जा – प॒तिम् । उ॒पे॒ति॑ । अ॒धा॒व॒त् । तम् । 62 (50)

**2.2.11.6**

–मै॒तया॑ सं॒ज्ञान्या॑ऽयाज॒यद॒ग्नये॑ वसु॒मते॑ पु॒रोडा॑शम॒ष्टाक॑पालं  
नि॒रव॑पथ् सो॒माय॑ रु॒द्रव॑ते च॒रुमिन्द्रा॑य म॒रुत्व॑ते पु॒रोडा॑श –  
मै॒काद॑शकपालं वरु॒णायाऽऽ\*दि॒त्यव॑ते च॒रुं ततो॑ वा इन्द्रं दे॒वा  
ज्यैष्ठ्या॑याभि॒ सम॑जानत यः स॒मानै॒र्मिथो॑ विप्रि॒यः स्यात् तमे॒तया॑  
सं॒ज्ञान्या॑ याज॒येद॒ग्नये॑ वसु॒मते॑ पु॒रोडा॑शम॒ष्टाक॑पालं नि॒र्वपे॑थ् सो॒माय॑  
रु॒द्रव॑ते च॒रुमिन्द्रा॑य म॒रुत्व॑ते पु॒रोडा॑शमै॒काद॑शकपालं वरु॒णाया ( )  
ऽऽ\*दि॒त्यव॑ते च॒रुमिन्द्र॑मे॒वैनं॑ भू॒तं ज्यैष्ठ्या॑य स॒माना॑ अ॒भि सं जा॑नते  
वसि॑ष्ठः स॒माना॑नां भवति । 63

**2.2.11.6 - Padam**

ए॒तया॑ । सं॒ज्ञान्ये॑ति सं – ज्ञा॒न्या । अ॒याज॑यत् । अ॒ग्नये॑ ।  
वसु॑मत इति वसु – म॒ते । पु॒रोडा॑शम् ।  
अ॒ष्टाक॑पालमित्य॒ष्टा – क॒पालम् । नि॒रिति॑ । अ॒वप॑त् । सो॒माय॑ ।  
रु॒द्रव॑त इति रु॒द्र – व॒ते । च॒रुम् । इन्द्रा॑य । म॒रुत्व॑ते । पु॒रोडा॑शम् ।  
ए॒काद॑शकपालमित्ये॒काद॑श – क॒पालम् । वरु॑णाय ।

पद पाठे (वाक्य सहित) – द्वितीयकाण्डे – द्वितीयः प्रश्नः

आ॒दि॒त्य॒व॒त॒ इ॒त्या॒दि॒त्य॒ – व॒ते॒ । च॒रु॒म् । त॒तः॑ । वै । इ॒न्द्र॒म् । दे॒वाः ।  
ज्यै॒ष्ठ्या॒य॒ । अ॒भि॒ । स॒मि॒ति॒ । अ॒जा॒न॒त॒ । यः । स॒मा॒नैः॑ । मि॒थः ।  
वि॒प्रि॒य॒ इति॑ वि – प्रि॒यः॑ । स्या॒त् । तम् । ए॒तया॑ । सं॒ज्ञान्ये॑ति  
सं – ज्ञान्या॑ । या॒ज॒ये॒त् । अ॒ग्नये॑ । व॒सु॒मत॒ इति॑ व॒सु – म॒ते॒ ।  
पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॒ । व॒पे॒त् ।  
सो॒मा॒य॒ । रु॒द्र॒व॒त॒ इति॑ रु॒द्र – व॒ते॒ । च॒रु॒म् । इ॒न्द्रा॒य॒ । म॒रु॒त्व॒ते॒ ।  
पु॒रो॒डा॒श॒म् । ए॒का॒द॒श॒क॒पा॒ल॒मि॒त्ये॒का॒द॒श – क॒पा॒ल॒म् । व॒रु॒णा॒य॒ ( ) ।  
आ॒दि॒त्य॒व॒त॒ इ॒त्या॒दि॒त्य॒ – व॒ते॒ । च॒रु॒म् । इ॒न्द्र॒म् । ए॒व । ए॒न॒म् ।  
भू॒त॒म् । ज्यै॒ष्ठ्या॒य॒ । स॒मा॒नाः॑ । अ॒भि॒ । स॒मि॒ति॒ । जा॒न॒ते॒ । व॒सि॒ष्ठः॑ ।  
स॒मा॒ना॒ना॒म् । भ॒व॒ति॒ । 63 (64)

(वि॒श॒मे॒व – ति॒ष्ठ॒न्त्ये॒ता॒मे॒ – वा॒थै॒न्द्र॒स्य॑ – या॒ज्या॒नु॒वा॒क्ये॑ – तं –  
व॒रु॒णा॒य॒ – च॒तु॒र्द॒श॒ च) (A11)

**2.2.12.1**

हिरण्यगर्भ आपो ह यत् प्रजापते ।

स वेद पुत्रः पितरं स मातरं स सूनुर्भुवत् स भुवत् पुनर्मघः ।

स द्यामौर्णोदन्तरिक्षं स सुवः स विश्वा भुवो अभवत् स

आऽभवत् । उदु त्यं चित्रं । स प्रलवन्नवीयसाऽग्ने द्युम्नेन संयता ।

बृहत् ततन्थ भानुना । नि काव्या वेधसः शश्वतस्कर्हस्ते

दधानो – [ ] 64

**2.2.12.1 - Padam**

हिरण्यगर्भ इति हिरण्य – गर्भः । आपः । ह । यत् ।

प्रजापत इति प्रजा – पते । सः । वेद । पुत्रः । पितरम् । सः ।

मातरम् । सः । सूनुः । भुवत् । सः । भुवत् । पुनर्मघ इति

पुनः – मघः । सः । द्याम् । और्णोत् । अन्तरिक्षम् । सः । सुवः ।

सः । विश्वाः । भुवः । अभवत् । सः । एति । अभवत् । उदिति ।

उ । त्यम् । चित्रम् । सः । प्रलवदिति प्रल-वत् । नवीयसा । अग्ने ।

द्युम्नेन । संयतेति सं – यता । बृहत् । ततन्थ । भानुना । नीति ।

का॒व्या॑ । वे॒धसः॑ । श॒श्वतः॑ । कः॑ । ह॒स्ते॑ । द॒धानः॑ । 64 (50)

**2.2.12.2**

न॒र्या॑ पु॒रू॒णि । अ॒ग्नि॒र्भुव॑द्र॒यिप॑ती र॒यीणा॑ꣳ स॒न्ना च॑क्रा॒णो अ॑मृ॒तानि॑  
वि॒श्वा॑ । हि॒र॒ण्यपा॑णि॒मू॒तये॑ स॒वि॒ता॒रमु॑प ह॒व्ये । स चे॑त्ता दे॒वता॑ प॒दं ।  
वा॒मम॑द्य स॒वि॒त॒र्वा॒ममु॑ श्रो दि॒वेदि॑वे वा॒मम॑स्मभ्यꣳ सा॒वीः ।  
वा॒मस्य॑ हि क्ष॒यस्य॑ दे॒व भू॑रे॒रया॑ धि॒या वा॑मभाजः स्याम ।  
ब॒डि॒त्था प॑र्व॒तानां॑ खि॒द्रं बि॑भर्षि पृथि॒वि ।

प्र या भू॒मि प्र॑व॒त्वति॑ म॒ह्ना जि॒नोषि॑ – [ ] 65

**2.2.12.2 - Padam**

न॒र्या॑ । पु॒रू॒णि । अ॒ग्निः । भु॒वत् । र॒यिप॑तिरि॒ति र॒यि – प॑तिः ।  
र॒यीणा॑म् । स॒न्ना । च॒क्रा॒णः । अ॑मृ॒तानि॑ । वि॒श्वा॑ ।  
हि॒र॒ण्यपा॑णि॒मि॒ति हि॒र॒ण्य – पा॒णिम् । उ॒तये॑ । स॒वि॒ता॒रम् । उ॒पेति॑ ।  
ह॒व्ये । सः । चे॑त्ता । दे॒वता॑ । प॒दम् । वा॒मम् । अ॒द्य । स॒वि॒तः ।  
वा॒मम् । उ॒ । श्वः । दि॒वेदि॑व इति दि॒वे – दि॒वे । वा॒मम् ।  
अ॒स्मभ्य॑मि॒त्यस्म॑ – भ्यम् । सा॒वीः । वा॒मस्य॑ । हि । क्ष॒यस्य॑ ।

दे॒व । भू॒रेः । अ॒या । धि॒या । वा॒मभा॒ज इति॑ वा॒म – भा॒जः ।  
 स्या॒म । ब॒ट् । इ॒त्था । प॒र्वता॑नाम् । खि॒द्रम् । बि॒भर्षि॑ ।  
 पृ॒थि॒वि । प्रेति॑ । या । भू॒मि । प्र॒व॒त्त्व॒ति । म॒हा । जि॒नोषि॑ । 65 (50)

### 2.2.12.3

महि॒नि । स्तो॒मा॒सस्त्वा॑ वि॒चारि॑णि प्र॒ति॒ष्ठोभ॑न्त्यकु॒भिः । प्र॒या वा॒जं न  
 हे॒षन्तं॑ पे॒रुम॑स्यस्यर्जु॒नि ऋ॒दू॒दरे॑ण स॒ख्या स॒चेय॑ यो मा न  
 रि॒ष्ये॒द्धर्य॑श्च पी॒तः । अ॒यं यः॑ सोमो न्य॒धा॒य्यस्मै॑ तस्मा इ॒न्द्रं  
 प्र॒ति॒रमे॑म्यच्छ । आ॒पा॒न्तम॑न्युस्तृ॒पल॑-प्र॒भर्मा॑ धु॒निः शि॒मी  
 वा॒ञ्छरु॑माꣳ ऋ॒जी॒षी । सोमो॑ वि॒श्वा॒न्यत॑सा व॒नानि॑ ना॒र्वागि॑न्द्रं  
 प्र॒ति॒मा॒नानि॑ दे॒भुः । प्र – [ ] 66

### 2.2.12.3 - Padam

महि॒नि । स्तो॒मा॒सः । त्वा । वि॒चा॒रि॒णीति॑ वि – चा॒रि॒णि । प्र॒तीति॑ ।  
 स्तो॒भन्ति॑ । अ॒कु॒भिरि॑त्यकु – भिः । प्रेति॑ । या । वा॒जम् । न ।  
 हे॒षन्तम् । पे॒रुम् । अ॒स्य॑सि । अ॒र्जु॒नि । ऋ॒दू॒दरे॑ण । स॒ख्या । स॒चेय॑ ।  
 यः । मा । न । रि॒ष्येत् । ह॒र्यश्चे॑ति ह॒रि-अ॒श्व । पी॒तः । अ॒यम् । यः ।



पद पाठे (वाक्य सहित) – द्वितीयकाण्डे – द्वितीयः प्रश्नः

सोमः । न्य॒धायी॑ति नि – अधा॒यी । अस्मे॑ इति । तस्मै॑ । इन्द्र॑म् ।  
प्रति॑रमि॒ति प्र – ति॑रम् । ए॒मि । अ॒च्छ ।  
आपा॑न्तमन्यु॒रित्या॑पा॒न्त – म॒न्युः । तृ॒पल॑प्र॒भर्मे॑ति तृ॒पल॑ – प्र॒भर्मा॑ ।  
धुनिः॑ । शिमी॑वान् । शरु॑मानि॒ति शरु॑ – मा॒न् । ऋ॒जीषी॑ । सोमः॑ ।  
विश्वा॑नि । अ॒तसा॑ । वना॑नि । न । अ॒र्वाक् । इन्द्र॑म् । प्र॒तिमा॑ना॒नीति॑  
प्रति॑ – मा॒नानि॑ । दे॒भुः । प्रेति॑ । 66 (50)

**2.2.12.4**

सु॒वानः॑ सोम॑ ऋ॒तयु॑श्चि॒कैते॑न्द्रा॒य ब्र॑ह्म ज॒मद॑ग्निर॒र्चन् ।  
वृषा॑ य॒न्ताऽसि॑ श॒वस॑स्तु॒रस्या॑न्त॒र्यच्छ॑ गृण॒ते ध॑र्त्रं दृ॒ह ।  
सबा॑धस्ते॒ मदं॑ च शु॒ष्मयं॑ च ब्र॒ह्म न॑रो ब्र॒ह्मकृ॑तः स॒पर्य॑न् ।  
अ॒र्को वा॒ यत् तु॒रते॑ सोम॑चक्षास्त॒त्रेदिन्द्रो॑ दध॒ते पृ॑थ्सु तु॒र्या ।  
व॒षट् ते॑ वि॒ष्णावा॑स आ कृ॒णोमि॑ तन्मे॒ जुष॑स्व शि॒पिवि॑ष्ट ह॒व्यं । 67

**2.2.12.4 - Padam**

सु॒वानः॑ । सोमः॑ । ऋ॒तयु॑रित्यृ॒त – युः । चि॒कैत॑ । इन्द्रा॒य ।  
ब्र॒ह्म । ज॒मद॑ग्निः । अ॒र्चन् । वृषा॑ । य॒न्ता । अ॒सि । श॒वसः॑ ।

तुरस्य॑ । अन्तः॑ । यच्छ॑ । गृण॑ते । ध॒र्त्रम् । दृ॒ह् ।  
सबा॑ध इति स – बाधः॑ । ते॑ । मद॑म् । च॑ । शु॒ष्मय॑म् । च॑ ।  
ब्र॒ह्म । नरः॑ । ब्र॒ह्मकृत॑ इति ब्र॒ह्म – कृतः॑ । स॒पर्यन् ।  
अ॒र्कः । वा॑ । यत् । तुर॑ते । सोम॑चक्षा इति सोम॑ – चक्षाः॑ । तत्र॑ ।  
इत् । इन्द्रः॑ । दध॑ते । पृ॒थि॒स्वति॑ पृत् – सु॑ । तुर्या॑म् । वषट् ।  
ते॑ । वि॒ष्णो । आ॒सः । एति॑ । कृ॒णोमि॑ । तत् । मे॑ । जुष॑स्व ।  
शि॒पिविष्टे॑ति शि॒पि – विष्ट॑ । ह॒व्यम् । 67 (50)

### 2.2.12.5

व॒र्धन्तु॑ त्वा सु॒ष्टुतयो॑ गि॒रो मे॑ यू॒यं पा॑त स्व॒स्तिभिः॑ सदा॑ नः ।  
प्र तत् ते॑ अ॒द्य शि॒पिविष्ट॑ नामा॒र्यः श॑ सामि॒ वयु॑नानि वि॒द्वान् ।  
तन्त्वा॑ गृ॒णामि॑ तव॒स॒मत॑वी॒यान् क्ष॑यन्तमस्य रज॒सः प॑रा॒के ।  
कि॒मित् ते॑ वि॒ष्णो परि॑चक्ष्यं भू॒त् प्र यद्व॑वक्षे शि॒पिविष्टो॑ अ॒स्मि ।  
मा॒ वर्पो॑ अ॒स्मदप॑ गू॒ह ए॒तद्य॑दन्यरूपः स॒मिथे॑ ब॒भूथ॑ । 68

**2.2.12.5 - Padam**

व॒र्धन्तु॑ । त्वा॒ । सु॒ष्टु॒तय॑ इति॑ सु॒ – स्तु॒तयः॑ । गिरः॑ । मे॒ ।  
यू॒यम् । पा॒त । स्व॒स्तिभि॒रिति॑ स्व॒स्ति – भिः॑ । सदा॑ ॥ नः॑ । प्रेति॑ ।  
तत् । ते॒ । अ॒द्य । शि॒पिवि॒ष्टेति॑ शि॒पि – वि॒ष्ट । ना॒म । अ॒र्यः ।  
श॒ऽसामि॑ । व॒युना॑नि । वि॒द्वान् । तम् । त्वा॒ । गृ॒णामि॑ ।  
तव॑सम् । अ॒तवी॒यान् । क्ष॒यन्त॑म् । अ॒स्य । र॒जसः॑ । प॒राके॑ ।  
किम् । इत् । ते॒ । वि॒ष्णो इति॑ । प॒रिच॑क्ष्यमि॒ति परि॑ – च॒क्ष्यम्॑ ।  
भू॒त् । प्रेति॑ । यत् । व॒वक्षे॑ । शि॒पिवि॒ष्ट इति॑ शि॒पि – वि॒ष्टः ।  
अ॒स्मि । मा । व॒र्षः । अ॒स्मत् । अ॒पेति॑ । गू॒हः । ए॒तत् । यत् ।  
अ॒न्यरू॒प इत्य॑न्य – रू॒पः । स॒मिथ॑ इति॑ सं – इ॒थे ।  
ब॒भूथ॑ । 68 (50)

**2.2.12.6**

अ॒ग्ने दा॑ दा॒शुषे॑ र॒यिं वी॒रव॑न्तं प॒रीण॑सं । शि॒शीहि॑ नः॑ सू॒नुमतः॑ ।  
दा नो॑ अ॒ग्ने श॒तिनो॑ दाः स॒हस्रि॑णो दु॒रो न वा॒जः श्रु॒त्या अ॒पा वृ॑धि ।  
प्रा॒ची द्या॒वापृ॑थि॒वी ब्र॑ह्म॒णा कृ॑धि सु॒वर्ण॑ शु॒क्रमु॑ष॒सो वि दि॑द्युतुः ।

अ॒ग्नि॒र्दा॒ द्र॒वि॒णं॑ वी॒रपे॑शा अ॒ग्नि॒र्ऋषि॑ँ यः स॒हस्रा॑ स॒नोति॑ ।

अ॒ग्नि॒र्दिवि॑ ह॒व्य॒मा त॒ताना॑ग्ने॒र्धामा॑नि वि॒भृता॑ पु॒रुत्रा॑ । मा – [ ] 69

**2.2.12.6 - Padam**

अ॒ग्ने॑ । दाः । दा॒शुषे॑ । र॒यि॒म् । वी॒र॒व॒न्त॒मि॒ति॑ वी॒र – व॒न्त॒म् ।

प॒री॒ण॒स॒मि॒ति॑ प॒री – न॒स॒म् । शि॒शी॒हि॒ । नः॑ । सू॒नु॒म॒त॒ इति॑

सू॒नु॒म॒तः॑ । दाः । नः॑ । अ॒ग्ने॑ । श॒ति॒नः॑ । दाः । स॒ह॒स्रि॒णः॑ । दु॒रः॑ ।

न । वा॒ज॒म् । श्रु॒त्यै॑ । अ॒पे॒ति॑ । वृ॒धि॒ । प्रा॒ची॒ इति॑ । द्या॒वा॒पृ॒थि॒वी॒ इति॑

द्या॒वा – पृ॒थि॒वी॒ । ब्र॒ह्म॒णा॒ । कृ॒धि॒ । सु॒वः॑ । न । शु॒क्र॒म् । उ॒ष॒सः॑ ।

वी॒ति॑ । दि॒द्यु॒तुः॑ । अ॒ग्निः॑ । दाः । द्र॒वि॒ण॒म् । वी॒रपे॑शा इति॑

वी॒र – पे॒शाः॑ । अ॒ग्निः॑ । ऋ॒षि॒म् । यः॑ । स॒ह॒स्रा॑ । स॒नोति॑ । अ॒ग्निः॑ ।

दि॒वि॒ । ह॒व्य॒म् । ए॒ति॑ । त॒तान॑ । अ॒ग्नेः॑ । धा॒मा॒नि॒ ।

वि॒भृते॑ति वि – भृ॒ता॑ । पु॒रुत्रे॑ति पु॒रु – त्रा॑ । मा । 69 (50)

**2.2.12.7**

नो॑ म॒र्धी॒ रा तू॑ भ॒र ।

घृ॒तं न॑ पू॒तं त॒नू॒र॒रे॒पाः॑ शु॒चि॒ हिर॑ण्यं । तत् ते॑ रु॒क्मो॑ न रो॒चत॑ स्व॒धावः॑ ।

पद पाठे (वाक्य सहित) – द्वितीयकाण्डे – द्वितीयः प्रश्नः

उ॒भे सु॒श्चन्द्र॑ सर्पि॒षो॒ दर्वी॑ श्रीणीष आ॒सनि॑ । उ॒तो न॒ उत् पु॒पूर्वा॑  
उ॒क्थे॑षु शवसस्पत इष॑ स्तो॒तृभ्य॑ आ भर॑ वायो शत॑ हरी॒णां  
यु॒वस्व॑ पो॒ष्यानां॑ । उ॒त वा ते॑ सह॒स्रिणो॑ रथ॒ आ या॑तु पाजसा । प्र

याभि – [ ] 70

**2.2.12.7 - Padam**

नः । म॒र्धीः । ए॒ति । तू । भ॒र । घृ॒तम् । न । पू॒तम् । त॒नूः ।  
अ॒रेपाः । शु॒चि । हि॒र॒ण्यम् । तत् । ते । रु॒क्मः । न । रो॒चत॑ ।  
स्व॒धाव॑ इति स्वधा – वः । उ॒भे इति॑ । सु॒श्चन्द्रे॑ति सु – च॒न्द्र ।  
स॒र्पिषः॑ । दर्वी॑ इति । श्री॒णीषे॑ । आ॒सनि॑ । उ॒तो इति॑ । नः । उ॒दिति॑ ।  
पु॒पूर्वाः॑ । उ॒क्थे॑षु । श॒वसः॑ । प॒ते । इष॑म् । स्तो॒तृभ्य॑ इति  
स्तो॒तृ-भ्यः॑ । ए॒ति । भ॒र । वा॒यो इति॑ । श॒तम् । ह॒रीणा॑म् । यु॒वस्व॑ ।  
पो॒ष्याणा॑म् । उ॒त । वा । ते । सह॒स्रिणः॑ । रथः॑ । ए॒ति । या॑तु ।  
पाजसा॑ । प्रेति॑ । याभिः॑ । 70 (50)

**2.2.12.8**

—र्यासि॑ दा॒श्वाꣳ सम॑च्छा॒ नियु॑द्धि—र्वायवि॒ष्टये॑ दुरो॒णे ।  
नि नो॑ रयिꣳ सु॒भोज॑सं यु॒वेह॑ नि वी॒रवद्—गव्य॑मश्वि॒यं च॑ राधः ।  
रेवती॑र्नः सध॒माद॑ इन्द्रे॒ सन्तु॑ तुवि॒वाजाः॑ । क्षुम॑न्तो याभि॒र्मदे॑म ।  
रेवाꣳ इ॒द्रेव॑तः स्तो॒ता स्या॑त् त्वाव॑तो म॒घोनः॑ ।  
प्रेदु॑ हरि॒वः श्रु॑तस्य । 71

**2.2.12.8 - Padam**

यासि॑ । दा॒श्वाꣳसम् । अ॒च्छ । नियु॑द्धिरिति॑ नियुत् — भिः । वा॒यो ।  
इ॒ष्टये॑ । दुरो॒ण इति॑ दुः — ओ॒ने । नीति॑ । नः । रयि॑म् ।  
सु॒भोज॑समिति॑ सु — भोज॑सम् । यु॒व । इ॒ह । नीति॑ । वी॒रव॑दिति॑  
वी॒र — वत् । गव्य॑म् । अश्वि॑यम् । च । राधः॑ । रेवतीः॑ । नः ।  
सध॒माद॑ इति॑ सध — मादः॑ । इन्द्रे॑ । सन्तु॑ । तुवि॒वाजा॑ इति॑  
तुवि — वा॒जाः । क्षुम॑न्तः । याभिः॑ । मदे॑म । रे॒वान् । इत् । रे॒वतः॑ ।  
स्तो॒ता । स्या॑त् । त्वाव॑त इति॑ त्व — वतः॑ । म॒घोनः॑ । प्रेति॑ । इत् ।  
उ । हरि॒व इति॑ हरि — वः । श्रु॑तस्य । 71 (40)

पद पाठे (वाक्य सहित) – द्वितीयकाण्डे – द्वितीयः प्रश्नः

(दधानो – जि॒नोषि॑ – दे॒भुः प्र – ह॒व्यं – ब॒भूथ॑ – मा – याभि॑  
– श्र॒त्वा॒रि॒ञ्च॑ ) (A12)

**Prasna Korvai with starting Padams of 1 to 12 Anuvaakams :-**

(प्र॒जा॒प॒ति॒स्ताः॑ सृ॒ष्टा – अ॒ग्नये॑ पथि॒कृते॑ – ग्नये॑ का॒माया॑ –  
ग्नये॑न्नवते – वै॒श्वान॑र – मा॒दित्यं॑ च॒रु – मै॒न्द्रं च॒रु – मि॒न्द्राया॑न्वृजव  
– आ॒ग्नावै॑ष्णव – म॒सौ सो॑मा॒रौद्र – मै॒न्द्रमे॑कादशकपालञ्च –  
हि॒र॒ण्यग॑र्भो – द्वा॒दश॑ )

**Korvai with starting Padams of 1, 11, 21 Series of Panchaatis :-**

(प्र॒जा॒प॒ति – र॒ग्नये॑ का॒माया॑ – ऽभि॑ सं भवतो – यो वि॒द्विषा॑णयो  
– रि॒ध्मे स॒न्न हो – दा॒ग्नावै॑ष्णवमु – परि॒ष्टा – द्या॒सि दा॒श्वाञ्स –  
मे॒कस॑प्ततिः )

पद पाठे (वाक्य सहित) – द्वितीयकाण्डे – द्वितीयः प्रश्नः

**First and Last Padam of Second Prasnam of Kandam 2 :-**

(प्र॒जाप॑तिः – प्रे॒दु॑ हरि॒वः श्रु॑तस्य)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे

द्वितीयकाण्डे द्वितीयः प्रश्नः समाप्तः ॥

---



## पद पाठे (वाक्य सहित) – द्वितीयकाण्डे – द्वितीयः प्रश्नः

### Details of Panchati and Padam for Kandam 2 – Prasanam 2 – TS 2.2

	Panchati	Padams
Anuvakam 1	5	239
Anuvakam 2	5	254
Anuvakam 3	4	188
Anuvakam 4	8	406
Anuvakam 5	7	329
Anuvakam 6	5	236
Anuvakam 7	5	257
Anuvakam 8	6	314
Anuvakam 9	7	337
Anuvakam 10	5	262
Anuvakam 11	6	314
Anuvakam 12	8	390
Total →	71	3526

#### Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).